

**MIRACULOSUM  
HELUETIAE SIDUS.  
HOC EST:  
SUPERNATURALIS,  
AC STUPENDA...**

---

Andrea : da san Tomaso



BIBLIOTECA NAZ.

Vittorio Emanuele III

L

B

51

NAPOLI

L  
B  
51



MIRACVLOSPM HELVE-  
TICÆ SIDVS.

Hoc est:

SVPERNA-  
TVRALIS, AC STV-  
PENDA NICOLAI DE  
Saxo, Anachoretæ  
Vnderualdij.



VITA.

AD ILLVSTRISSIMVM  
AC REVERENDISSIMVM PRINCI-  
pem ac Dominum, D. IACOBVM, Episcopum  
Constantiensem, Dominum Augia-  
maioris & Oenin-  
ga, &c.

AVCTORE,

I. Ioachimo Eichornio  
Bellheimensi, ex Ne-  
metibus.

RORSCHACHI.

Excudebat Iohannes Röslerus, Sum-  
ptibus Auctoris.

M. DC. XIII.




# Miraculum naturæ.



*Nicolaos hic est, qui passus Corpore  
Christi,  
Cætera jeiunus, bis duo lustra  
fuit.*





ILL.<sup>mo</sup> AC REV.<sup>mo</sup> PRINCIPI,

**D. IACOBO,**  
EPISCOPO CONSTAN-  
TIENSI, DOMINO AVGIÆ MA-  
ioris & Oeningæ, &c. per-  
petuam felicitate-  
rem.

*Illustrissime ac Reuerendissime Prin-  
ceps Domine, Domine Cle-  
mentissime.*



CELERRVM ac flagitio-  
rum caligine, ac prope in-  
scientiæ Cymmerijs tene-  
bris offusus mundus, iam  
iam iuge illud SS. Missæ  
Sacrificium abolere & penitus tollere ma-  
chinabatur; tempusq; illud, quod Sanctus  
olim *Hyppolitus*, plenus DEI spiritu, ad fu-  
turum prænunciauit, Sermonem de con-  
summatione mundi, imminere videbatur.

## EPISTOLA

*Lugebunt* (inquit; verba eius refero) *Ecclesia luctum magnum, quia nec oblatio nec sufficit fiat, nec cultus DEO gratus; sed Ecclesiarum ades sacratugurij instar erunt; pretiosumque Corpus & sanguis Christi non exstabit in diebus illis. Liturgia extinguetur, Psalmorum decantatio cessabit, Scripturarum recitatio non audietur: sed erunt apud homines tenebrae, lamentatio super lamentationem, vae super vae.* Illud inquam tempus adesse festinabat, cum miseratus misericors DEVS tot animarum interitum, ne simul omnes perirent, singulari prouidentia excitauit in Helueticis, intra Alpes, in eminentissimis Europæ locis, in eadem illa prouincia ac Diæcesi, qua omnium vaserimus Antichristi præcursor oriundus foret; COMBITEM magnum, adspectu portentosum & stupendum nimis; hoc est, HOMINEM; hominem inquam, si Diuinum & quodammodo si liceat Supernaturalem appellem; ignosce verbis, mortalem certe fuisse noui: qui vitam in terris cœlestem agens, cum verbo tum facto mundum hunc impendentis admoneret periculi, atq; irati Numinis iram vitare doceret, omnibus q; exemplo

## NVNCVPATORIA.

exemplo esset, haud vulgari modo, sed  
 prorsus inusitato ac nouo. Nimirum debe-  
 bat homo ille ab omni abstinere cibo & po-  
 tu corporeis, solaq; SS. Eucharistia ( singu-  
 lari passionis Dominicæ fructu ) singulis  
 mensibus piè sumpta, in longos annos nu-  
 triri; vt ita in vulgus patesceret, omnesq;  
 sanæ mentis persuadere possent sibi, veterē  
 Ecclesiæ Catholicæ doctrinam, quam va-  
 res ille tenuisset perfectissimè, sacrosan-  
 ctam & diuinam esse; contra nouam *Noua-*  
*torum*, mox venturorum, vanissimam ac  
 Diabolicam. Etenim, vt rectè *Heidelbergi-*  
*cus ille Vrsinus* de Criticis Christianæ relig.  
 disputans, argum. 4. *Miracula inquit, qualia*  
*sunt, suscitatio mortuorum, status & regressus solis,*  
*diuisio maris & fluminum, partus virginis, susten-*  
*tatio vitæ humanæ absq; humano nutri-*  
*mento, & similia; cum solius DEI sint Opera,*  
*ad confirmandam Prophetarum & Apostolorum*  
*doctrinam edita; DEVS verò mendacio testimo-*  
*nium non perhibeat; doctrinam eam à DEO pro-*  
*fectam & verissimam esse euincunt. Et iterum*  
*arg. 12. Quare religio homines facit sanctos DEOq;*



## EPISTOLA

*placentes, eam necesse est sanctissimam & diuinam esse.*

Bellè quidem sacramentarius ille error, in Heluetia nostra vel maximè natus, atq; operante Sathana per suos administros propagatus, contra realem Christi præsentiam in Eucharistia, de transsubstantiatione panis & vini in corpus & sanguinem Christi, retunditur. Fuit aliquando communis omnium Heluetiorum laus, quòd apud illos maximè, si vsquam alibi vixit, & floruit, & culta est vera erga SS. Eucharistiam fides atq; religio: quam & DEVS ibidem cùm alijs argumentis, tum insigni miraculo contestatus est, quum sanctissimo Viro Nicolao nostro Anachoretæ Vnderualdio non minus corporis quàm animæ vitam isto cibo cœlesti annos semideuiginti prorogauit; vt vel ex re posset intelligi, eum ipsum in sacra Eucharistia verissimè contineri & percipi, qui vera vita est, & cuius ex carne viuifica & sanguine, sanguis & caro nostra quodammodo alitur, & quasi pignus quoddam accipit immortalitatis, vt à Diuo Irenæo auctore grauissimo scriptum est.

Sed



Sed ne longius in hunc campum excurram, ad Te sermonē conuerto, Illustrissime ac Reuerendissime Princeps. Cui quamobrem historicum hoc Opusculum consecrare, tuiq; sub amplissimi nominis Clientela in lucem emittere voluerim, causæ mihi multæ, sed è multis inprimis vna fuit: Obedientia. Iussus enim cum essem, Ill<sup>mæ</sup> Cel<sup>ni</sup> Tuæ nomine Venerab. Cleri ac Secretariatûs Vnderualdici per epistolam supplicare, quatenus ea Nicolai nostri admirabiles dotes & prærogatiuas cordi sibi sumere, proq; eius Canonizatione apud S. Romanam Sedem procuranda, consilium suum, opem atq; operam clementer impendere dignaretur: aptiorem sanè, qua id efficerem, viam modumq; excogitare non potui, quàm si ex authenticis scriptis ac testimonijs succinctam de Viri DEI vita & sanctimonia conficerem narrationē; eamq; typis excusam ad Ill<sup>mam</sup> Cel<sup>nam</sup> Tuam destinarem. ( Nam si Friburgensis catholica Heluetiorum ciuitas non dedignata olim fuit, imperfecta illa mea ac mendosa Miscellanea publicis typis procudere; quid nō

## EPISTOLA

iam idem libellus diligenter emendatus & ab errorum scoria purgatissimus prodibit?) Ita enim fieri posse credebam, vt Illustrissimus quisq; ex tantæ historiæ lectione ad sanctissimum illud Canonizationis opus promouendum facilius accenderetur.

Prouoluti ergò, Ill<sup>me</sup> ac Reu<sup>me</sup> Princeps Domine, Domine Clementissime, ad pedes venerandos tuos, cum multa humilitate & submissione per Christum rogamus ac petimus, vt hanc tantam Caussam serenissimis mentis tuæ oculis introspicere, nostrique Nicolai acta tuo calculo aut probare, aut reprobare pius arbiter digneris. Enimuerò tu Pastor noster, tu Præsul es. Te cura ista spectat. Tuo ex nutu pender negotium. Annuente te, optato gaudio beabimur: renuente te, nihil fiet.

Vt multa sint maximaq; Opera & facta tua; maiora tamen & plura à te expectare præclarissimus ille tuarum laudum cothurnus iubet. Tu enim es, cuius Cura pro gregibus tuis ac populis vigilantissimè excubat. Tu es, cuius pietas & munificencia  
ad

ad exemplum priscorum illorum laudatissimorumque Principum, splendidissima templa, Collegia ac monasteria à fundamentis exædificat. Tu es, quem omnes religiosissimè viuere, iustitiæ & æquitati accerrimè incumbere, Synodos Diæcesanas ingenti animarum profectu celebrare, accuratas visitationes quotannis instituere, reformationis opus strenuè ac confidenter persequi, Seminaria scholasq; restaurare, sacros ritus ad S. Romanæ Ecclesiæ formam ac normam insigni Zelo reuocare, libros Ecclesiasticos insanis sumptibus procurdere, doctos & religiosos homines liberaliter habere, hæreses extirpare, pertinacibus nullam aurem præbere, morigeros omni suauitate complecti, iustitiam deniq; foro, immunitatem Ecclesijs, pacem terræ reducere, nōrunt. Quæ profectò omnia tanta sunt, vt si non impiorum lance, non statera populi dolosa, sed iustissima piorum Christianorum trutina ponderentur, non vulgi tantum, sed & summorum Virorum ac Principum memoriam alere, admirationem exercere queant,



## EPISTOLA

Eia ergò, Ill<sup>me</sup> ac Reu<sup>me</sup> Domine, illi o-  
 tuis inæstimabilibus meritis hoc vnum (ro-  
 gamus) adijce, Vt excellentissimi quoque  
 Contrerranei nostri festiuam Commemora-  
 tionem Fastis nostris, hoc est, Romano  
 Constantiensi Breuiario insertam faciente  
 te videamus. Spartam hanc per te ornatif-  
 simam iri redditum confidimus. Quod si  
 namque Illustr.<sup>mi</sup> tui olim Prædecessores  
*Otho & Hermannus*, felicissimæ memoriæ, in  
 Vnderualdio Nicolao sibi tantoperè com-  
 placuêre, vt non toti modò Diæcesi suæ de  
 tanto Eremita dum viueret gratulati, ve-  
 rùm insignibus quoq; eum *Apophoretis* mu-  
 nerati fuerint; quo pacto iam, cum de ip-  
 sius Canonizatione agitur, nobis de per-  
 vulgatissima Celsitudinis tuæ munificen-  
 tia ac pietate nihil non adminiculi opisq;  
 non pollicebimur?

De actis & Processibus super ea re habi-  
 tis, scripsit iam ad Celsitud. tuam, vt audio,  
 Consultiss. Dn. *Renuardus Cysatus* Eques ac  
 Notarius Lateranensis, idq; iussu Domino-  
 rum Procerum Catholicæ Helueriæ: scri-  
 betq;



# NVNCVPATORIA.

betq; amplius, vt intelligo, Clariss. Dn. *Leonhardus Freund* Protonotarius Apostolicus ac Decanus Lucernens, pro parte sui Decanatûs. Interim Cleri Vnderualdici nomine habeat Celsitudo tua Libellum hunc. De cuius fide ac dexteritate iubeo te quàm esse securissimum. Salua & sincera sunt omnia, fundamentis minimè arena-  
ceis (prout tum sequens præfatio, tum tex-  
tûs series indigitant) nixa, atq; à falso & fūco alienissima. Utinam stylo tantum par esset cum argumento gravitas: sed non *Tullianam suadam* hîc quæris, scio; verita-  
tem, candorem, maturitatem vis. Igitur opellam quantulamcunq; nostram, Ill<sup>me</sup> ac Reu<sup>me</sup> Princeps, æqui boniq; consule; & partes Vnderualdij Nicolai certa cum spe locupletissimæ remunerationis fidenter tuere & orna. Nos verò coniunctis ani-  
mis, ardentibusq; Votis D E V M precabi-  
mur, Catholicæ vt Ecclesiæ, Romano Im-  
perio, tibiq; ac nobis quamdiutissimè su-  
perstes atq; incolumis viuas, & quæ præ-  
clara restaurandæ fidei ornandæq; Ecclesiæ

Opera

# NVNCVPATORIA.

Opera dudum cœpisti, præclarioribus  
compleas, & felicissimis absolvas. Sarnæ  
pago prætorio Vnderualdiæ. Calendis  
Maij, M. DC. XIII.

*Ill.<sup>ma</sup> ac Ren.<sup>ma</sup>. Cel.<sup>nis</sup> T.<sup>a</sup>*

*Humill. clientulus*

I. Ioachimus Eichornius,  
fortissimi Equitis Melch.  
in Campo Sacellanus.

Historiam

# TESTIMONIUM.

Historiam Fratris Nicolai  
Eremitæ Vnderualdensis Hel-  
uetij, á R. Presb. Ioh. Ioachi-  
mo Eichornio conscriptam,  
atq; in capita XXII. digestam  
legim⁹ & approbauim⁹. Con-  
sentit enim per omnia cum  
antiquis monumentis & scri-  
pturis, quæ de beato Viro ex-  
tant. Ita testamur-

IOHANNES ZIMMERMANVS *Venerab.  
Capituli 4. Cantonum Camerarius, Pa-  
rochus Saxlensis.*

IACOBVS HVTMACHERVS *eiusdem Ca-  
pit. Sextarius Vnderualdicus, Parochus in  
Kerns.*

IOHANNES ZVR FLVE *Pastor Sarnensis.*

IACOBVS SCOLDVS *Pastor Gyswillanus.*

WILHELMVS DÖRFLINGERVS  
Congregationis Sacerdotum  
Vnderual, Notarius & Can-  
tor, mpp.

AP.



# L I C E N T I A.


Historia hæc de Beati Viri Nicolai à Flue Vita, morte & miraculis, auctore R. Dn. Iohanneloachimo Eichornio; Rorschachij vt imprimatur, authoritate Reuerendissimi in Christo Patris, Principis ac Domini, D. Bernardi Abbatis monasterij S. Galli; permitto-

*Ego F. Iodocus Metslerus  
S. Th. Doctor, ex of-  
ficio : 20. Octob.*

1613.

DE





DE HISTORIAE HV-  
IVS PRINCIPIIS AC FVN-  
DAMENTIS.

PRÆFATIO.



**N**ICOLAUS de Saxo (vulgò Bru-  
der Claus von Glue) vir fuit ab-  
stinentia & sanctimonia miraculo  
adeò excellens, ut decem & novem  
annos integros continuos ac menses sex, omnis cibi  
& potus naturalis expers, solo ss. Eucharistia my-  
sterio nutritus, vitam viueret, Fidemq; catholi-  
cam quam maximè illustraret.

De magno hoc & incomparabili viro, grandia,  
dum in terris ageret, conscripta, editaq; sunt volumi-  
na; haud quidem in chartis atramento, sed certâ  
experientia in cordibus ac memorijs hominum. Toti  
mundo innotuit, verè hunc esse Prophetam DEI.  
Quarè ad eum ceu quoddam Oraculum, alterumvis  
Hilarionem, aut Simeonem Stylitem concurrebatur:  
doctrinæ eius ad ossium medullas penetrabant, mæsti  
erigebantur, p̃i feruescebant, impij conuertebantur,  
vemo non adificatus ab eo discedebat: porrò ange-  
licum præter ieiunium, quod vir DEI in tot annos  
produceret, alia etiam haud vulgaria rutilabant  
miracula. Atq; hinc factum, ut tandem & boni &  
mali

## PRAEFATIO.

mali, tantis victi virtutibus, captiq; ad Nicolai laudem prorumperent, eumq; uno ore omnes beatissimum ac sanctissimum predicarent.

I. Vix mortalem sarcinam DE I homo posuerat, cum multa passim de solenni ipsius, quasi propediem ad futura Canonizatione sparsit rumor. Itaq; generosus vir M. Henricus à Gundelfingen, amplissimi Collegij Beronensis in Herogêa canonicus pauloq; post Prapositus, in eum finem peculiare atque egregium Officium sacrum de B. Nicolao nostro in Ecclesiâ persolvendum canendumq; pulchro confecit artificio: cui & eruditam Orationem quasi funebrem subiunxit. Atq; ea omnia in Codice membraneo venustissime conscripta, vir ille nobilissimifico Lucernens. civitatis magistratui dedicavit, anno M. CCCC. LXXXVIII. Idib. Augusti. Inde locum aliquem, praefationi nostrae idoneum, ad ferre in medium libet. Is namq; Nicolaus (inquit author) Leopontiacus, vulgò von Edwenbruck (nam sic familia de Saxo olim indigitabatur) ex Saxelon Vnderualdiâ superioris vico natus, uxorem ibidem religiosam magnæque deuotionis matronam duxit; ex qua bonos feracesq; fructus, ex seq; feraciori stipite protulit. De cuius vita beata & abstinentia, multa & quasi incredibilia referuntur; quæ si omnia enarrate vellem, ingens explerent volumen. Sed quædam pauca ad multorum ædificationem hoc in loco sufficient, Praefatus deinde, quæ spretis  
caducis

## PRÆFATIO.

*caducis omnibus, pauper, nudus, sine exemplo, desertis in locis ediculam extruxerit sacram, ita pergit. Eremitorio huiusmodi erecto expletoq; noster Eremita deinde mirum in modum orationibus, vigilijs, abstinencia, contemplationibusq; sese affligens, adeò sibi religionis nomen comparauit, vt quàm multus Alemanniæ & altæ & bassæ (hoc est, utriusq; Germaniæ) populus motus, ob istiusmodi cælibatuum, castimoniam, religionem, inauditamq; AB OMNI CORPORALI CIBO ABSTINENTIAM, à sanctis Patribus in Eremò rarò visam, vna mente, vno animo, vnoq; consensu talem Eremitam collaudàrit, in cælumq; extulerit. Vt nihil iam dubitandum sit, propè diem fore, vt non modò ab omni populo præconizetur, sed & tandem coruscantibus miraculis, à Maximis Pontificibus inter Sanctos Eremitas Confessoresq; referatur. sic ille.*

II. *Interim dum Gundelfingius hæc parat, crebra & stupenda ad Nicolai sepulchrum fiunt miracula; quorum haud pauca à Viris cordatis ritè consignata, anno eius sæculi eodem, sc. LXXXVIII. Noribergensis quidam (qui procul dubio sanctæ Eremitæ fama motus, longo itinere, vt plures alij, huc se receperat) vnà cum breui earum rerum, quæ superstitute Nicolao acciderant, summa, in membraneis exarauit libellis. Horum vnus habetur hodiè Albo seu catalogo fundatorum Ecclesiæ Saxlensis insertus.*



## PRÆFATIO.

*Simplicissimum at magni momenti Opus. Et quod planè liquet, certos constitutos fuisse Inquisitores, qui non nisi verissima ac iureiurando confirmata in eas tabulas retulerint, Porro labente tempore plura miracula prioribus, quorundam aliorum manu, in iisdem libellis sunt addita.*

III. *Hæsit ita res usq. ad insequuti noui sæculi initia, totos nempe XIV. ab obitu Nicolai annos, cum Henricus Lupulus Cāonicus Bernensis (qui id tempus eruditionis virtutumq. laude florens, egregiā existimationem apud Heluetios habebat) negotij hoc suscepit, ac singulari industria Opusculum breue de admiranda Eremitæ huius vita Latine conscripsit, atq. illustris. Dn. Matthæo Schinero Episcopo Sedunensi nuncupauit. Qui pol. historiæ factus uniuersæ Heluætiæ probatus est adeo, ut nec ipsi sectarij refellere eum audeant: immò sunt ex illorum classe, qui editis palam scriptis (ut in loco annotabitur) hunc Lupuli quem dicimus Libellum disertè ceu authenticum commendent, DEO id singulariter in rem nostram ordinante.*

IV. *Exin tempestate illa, qua Lutherus insanire capit, Sacello Nicolai nostri eremitico præerat Sebastianus Rhætus sacerdos, antiqua simplicitate ac fide homo. Is compluribus eo in loco persēuerans annis, Siluanorum quasi librarius extitit. Permultos quippè ex SS. Patribus in usum piorum selectos tractatus sua manu exarauit. His inseruit quandoq. venerab. Patris nostri historiam ex Lupulo, ceterisq. vetustis methodicè congestam, adiectis eiusdem DEL*

*Amici*



## PRÆFATIO.

amici dictu, spiritu & deuotione redundantibus. Talismodi ego exemplar anno M. D. XXI. exaratu, prece ac pretio cōparauī, euidens haud magis veterū simplicitatis argumētū, quā Nic. sanctitatis testimoniū.

V. Caterum, præter ea, quæ in Fasciculo temporum, Nauclero, Glareano, Etterlino, & Chronicis Noribergicis, habebātur paucula, nihil omninò quod sciam, extabat typis de viro DEl excusum, ad vndequinquagesimum vsq; transitus eius annum. Ut igitur viri tanti non modò fama, sed historia etiam spargeretur longè lateq; Iohannes Salatus ciuis ac Notarius Lucernensis iuratus, eximia integritatis ac prudentiæ vir, anno Orbis redempti M. D. XXXVI. Vitam Nicolai, non tam ex Lupulo & reliquis, quàm propria experientia contextam, prælo subiecit, talibus in præfatione commendatam. Atque hæc, inquit vera est, authentica, DEOq; placita historia, quæ fidei Christianæ patrocinari egregiè queat: Scitu utilis ac necessaria, nulloq; modo regenda amplius silentio: exemplū pietatis, honestatis, ac veræ fidei, q; nemo vnquā extenuare fuit ausus, immò quod subuersu & refutatu impossibile est prorsus; & cetera quæ sequuntur.

VI. Recens autem impressa historia, paruo volumine circumlata, cum auidè ac passim lectitaretur, breuis admodum distracta est. Idcirco anno salutis M. D. LXXI. venerabilis vir M. Rdalricus VVittuillerus celeberrimi Monasterij Einsidlensis id tempus Concionator ( qui postea eiusdem etiam loci Decanus,

## PRÆFATIO.

mox Abbas, Imperijq; Princeps fuit) multis multorum precibus ac desiderijs satis facturus, ad cumulandam simul B. Nicolai laudem, simul & Ecclesia DEI gloriam, applicuit animum: Habitaq; diligenti in Aucthores supradictos inquisitione, ubi authenticos eos inuenisset, venusto Schemate viri DEI historiam Dilinga edidit, editamq; Heluetijs suis Quinquagicus erudita ac longissima præfatione dicauit. Cum verò nec sic lectorum auiditati sufficerent historiae exemplaria, idem Dn. Adalricus jam factus Abbas, secundo eam in maximum curauit numerum excudi. Igitur spectatissima huius Principis auctoritas & religio magnam Historia adiecit fidem.

VII. Iam totum à defuncto Nicolao effluxerat saculum, cum tandem Catholica Heluetia de Canonizatione eius serio cogitare cœpit. (Nihil hic attinere arbitror, quid dudum ea in re à paucis quibusdam cum Romæ, tum Tridenti, durante Concilio, priuatos intra parietes tractatum sit, referre) Ergò Illustris. Card. Octauij Parauicini, Apostolici ad Heluetios Legati monitu, viris quindecim fide, religione, auctoritate præstantibus, ex omni Vnderualdia lectis, simulq; Clariss. DD. Petro Embergero Collegiata Lucernensium Ecclesia Præposito; Renuardoq; Cysato publico Notario Apostolico, urbis eiusdem Protoscriba &c. Negotium datum, ut in Eremitæ huius acta seruandis seruatis inquirerent. Quod illi quidē anni M. D. XCI. mense Ianuario, in Sarnensi curia, quò mortales utriusq; sexus innumeri cōfluxerant, magna diligentia exequuti sunt. Multi tum ac-

cesse-

## PRÆFATIO.

cessere testes iurati & graues, quorum aut parentes, aut propinqui Nicolaum in Eremito & sæpius viderant & optime cognorant: atq; hi res stupendas, & quæ plurimum ad Nicolai sanctitudinem contestandam facerent, in medium protulere; alijs alia cum recentia tum vetera enumerantibus miracula. Adfuit quoq; Andreas Virsus spectata fidei ac veneranda ætatis sacerdos, tunc Stanxiæ, olim Saxlenfis Ecclesiæ Pastor, qui aliquot etiam personis, quæ ipso cum Nicolao fuerant loquutæ, salutaria quondam impertierat sacramenta; accommodus huic actui, quod multa ex illis didicisset, administer.

Ceterum finito examine (in quo Nicolai historia, tum ab Vdalrico Abbate, tum reliquis edita, maxime approbata fuit) totoq; processu in scripta relato, Dn. Notarius Apostolicus celebre inde confecit Instrumentum, quod incunctanter GREGORIO XIV. Pont. Max. propositum ac presentatum est à Clariss. viris, Melchiore Lusino equite aurato, Heluetiorum ad SS. Concilium Tridentinum Legato quondam atq; Oratore; Melchiore item in Campo vexillifero Vnderualdensium generali, &c. Porro pientissimus Pontifex (in cuius familiaritatem Dn. Lusinus Tridenti venerat) talibus Nuncijs benignissime auditis, liberaliterq; habitis, dici non possit, quanta animi propensione in rem postulatam fuerit. Verum pro dolor, Pontificem optimum, captisq; ingentibus clarum, subita mors præripiens eximiam bonorum sefellit spem. Et sic hætenus illud manet.

Authores hi septem (quorum sanè fidem & au-



## PRÆFATIO.

*thoritatem ea in re maximi facio) singuli quidem fideliter eandem depingunt historiam, sed breuius omnes, quàm ut exprimendæ rei tam excellenti sufficiat; tametsi alius sit alio prolixior, alius alio accuratior. Enimuero illis si adiungas, quæ apud Scriptores ceteros insignes tum Catholicos tum sectarios habentur testimonia: Item si varia huius Eremitæ vestigia ac monumenta, simulq; famam ipsius sanctam, per duas iam ferè ætates, hoc est, bis sexaginta tres annos, constantissimè conseruatam, penitus introspicias; quæ & quanta olim de viro hoc conscribi potuerint, apparebit.*

*Si tuus hic quondã doctus Baptista fuisset, Mantua, seu Blondus maxima Roma tuus; Actis Nicolei permagna volumina magnis Et metro & prosa ritè repleta forent.*

*sed DEO sint laudes, quòd in tanta doctorum hominum penuria, tantoq; bellicorum tumultuum strepitu (quæ Nicolao eremiticam agente, & aliquot lustris post, temporum erat apud Heluetios malignitas) talia tamen literis authenticè mandata sunt, quæ ad obtinendam exequendamq; viri Canonizationem sufficere omninò posse videantur.*

*Habes igitur, mi Lector candidè, prodigiosi illius Cometæ descriptionem; Vitam, inquam, Vnderualdy Nicolai, ex his primum septem, quos supra nominaui, auctoribus quasi domesticis concinnatam; ac deinde exterorum quoq; grauissimorum Scriptorum testimonys, ceu valentissimis sigillis, communitam, Quorum sanè authographa, Struthionem imitatus,) quæ*

# PRÆFATIO.

non incubando, sed fixis oculis Oua diu multumq; in-  
 tuendo, pullos excludere perhibetur) tam sæpè vidi,  
 legi, reuolui, & inuicem tam sedulo contuli, vt omni-  
 nò sperem, me demùm historia ac veritatis sco-  
 pum perfectissimè attigisse, proindeq;  
 meritò iam animo conquie-  
 scere queam.



*In Zoilum.*

Honi soit, qui maly pense.

# AVTHORES, E QVO. RVM SCRIPTIS PRÆSENS HISTORIA CONGE- sta est :

Anno *CATHOLICI*, de *B. Viro* scripserunt,

- 1487. Iohannes Trithemius Abbas Spanheimensis,
- 1488. M. Henricus Gundelfingius Beronensis canonicus,  
eodem. Scriptor Albi benefactorum Aedis Saxlensis,
- 1491. Author Fasciculi temporum,
- 1493. Auctores vetusti Chronici Noribergici,
- 1497. Bonifacius Simoneta Cornu Abbas Italus,
- 1500. Iohannes Naucerus I. V. Doctor Tubingenfis,
- 1501. Henricus Lupulus Senior, canonicus Bernensis,
- 1507. Petrus Etterlinus amanuensis Curiae Lucernensis,
- 1515. Henricus Glareanus Professor Academ. Friburgens,
- 1521. Sebastianus Rhætus Sacellanus loci Ransft,
- 1536. Iohannes Salatus amanuensis curiae Lucernensis,
- 1570. Adamus Valasserus Librarius Dilinganus,
- 1571. M. Vdalricus VVittuillerus Abbas Einsidlensis,
- 1580. Petrus Canisius Societatis IESV Theologus,
- 1582. Gilbertus Genebrardus Professor Parisiensis,
- 1590. Sebastianus à Beroldingen Consul Vranienfis,
- 1591. Renuardus Cysatus Notarius Apostolicus,
- 2597. Sebastianus Veronius S. T. Doctor Friburgensis,

Anno *SECT ARII*, de *Viro DEI* scripserunt,

- 1525. Osualdus Molitor qui & Myconius, Basileens,
- 1546. Iohannes Stumphius Tigurinus,
- 1560. Henricus Pantaleon medicus Basileensis,
- 1570. Iofias Simlerus Tigurinus,
- 1600. Iohannes Heid ex Dhun Bernas.

*His accedunt ipsa Nicolai monumenta ac vesti-  
gia: item Exequiarum parochia Saxlens. codex, ata-  
te Nicolai à diuersis scriptus: varia quoq. pictura,  
tabula, litera sigillis munita, &c.*

VITA





VITA IN-  
COMPARABILIS  
VIRI, NICOLAI DE SAXO,  
CIVIS QVONDAM ET ANA-  
choretæ Vnderualdij, apud  
Heluetios.

---

*Ipsius patria et natales.*

CAP. I. §. I.



NDERVALDIA, quæ & Silva-  
nia, ex tredecim illis Heluetio-  
rum liberis ciuitatibus, quas  
Cantones vocant, vna; Vallis est  
(non oppidum) oblonga lataq;, altissimis  
vndiq; aut Alpium iugis, aut Lacuum abyf-  
sis circumdata. Ditioni Lucernensium adia-  
cet, versus meridiem ac brumalem Orien-  
tem: idq; in Constantiensi omnium Ger-  
maniae Episcopatum longè amplissima &  
populosissima Diæcesi. Foeta armis regio,

B s

plebs

plebs officiosa, Sacris naturâ dedita. Multis pagis abundat; è quibus Conuentus parochiales decem constituti. Eorum præcipui; Sarnensis, Stanzianus, Kernsianus, Buxeranus, & qui Vnderualdij Nicolai natalis locus est, Saxlensis.

2. Illic quippè annum salutis circa M. CCCC. familia inter cæteras vetustior ac honoratior; à monte ipso, quem pecoribus ac gregibus depascendis incolebat, Saxicola, siue gens de Saxo, appellata, floruit. Victus illi maiorum more parcus & frugalis: quæ præter terræ culturam, armentorumque prouentus, nulli seruiret quæstui: neminem lædere, omnibus benefacere solita, &c. Atq; ex hoc genere, Patre Henrico, matre Hemmanna Roberta, pierrissimis parentibus, Nicolaus noster in lucem est editus, mense Martio, anno supra millesimum quadringentesimum decimo septimo; Capitibus mundi in Oecumenico Constantiensi Concilio legitimè congregatis.

3. Ortus est autem Heluetius ille, quem dicimus, Comeres, in Constantiensi Diæcesi, eadem ipsa tempestate, qua Constantiæ à S. Synodo pertinacissimum illud & lamentabile trium summorum Pontificum schisma, quali nunquam antea exercitata fuerat Ecclesia, mirabiliter sublatum ac deletum

letum fuit, paxq; tandem & concordia Orbi Christiano restituta. Quod vtrum insigni vacet mysterio, si præsertim cum sequenti §. conferatur, lector cordatus æstimet.

4. Is namq; (mira dictu audituq; res) dum in matris adhuc concluderetur vtero, STELLAM in cœlo vidit cæteris clariorem, suisq; radijs totum terrarum orbem illustrantem: cui persimilem quoq; in Eremita postea sæpius conspexit, ita vt eam ipsam in Vtero visam arbitraretur. Vidit & ingens quoddam SAXVM; sacrumque quo Christi fideles inunguntur, OLEVUM.

5. Confestim porro à natiuitate, tam obstetricis quàm matris suæ perfectam habuit cognitionem. Sese insuper per cliuosa loca, in quibus & demùm Vitam peregit, ad sacrum Baptismatis fontem Kernsum deferri sensit. Vbi & baptizantem Sacerdotem, & reliquos adstantes omnes (vetulo quodam vno excepto) noscitabundus adspexit. Quæ cuncta venerabilis Presb. Henricus am Grundt Parochus Stanzianus, ex secreta Nicolai confessione, sanctè post obitum eius affirmavit.

6. Baptizatus autem in Kernsiana Parœcia ob eam causam fuit, quòd ordinaria Saxlensium ædes (vt fama est) interdicta, ac sine Sacerdote per id tempus esset.



*Eius pueritia & Iuuentus.*

## CAP. II. §. I.

**A**B incunte ætate optimus puer optimis imbutus moribus, paternas traditiones & maiorum monitus fideliter conseruabat. Verax in primis, & in omnes pius ac mansuetus. Nulla in eo lasciuia reperita sunt indicia. Senes omnes diligenter venerabatur obsequio. Coætaneos suos ad diuina præcipuè seruitia horrabatur; maxime verò germanos suos ac sorores, quibus cum semper coniunctissimè viuebat.

2. Iam porrò transgressus pueritiam Nicolaus, ac sextumdecimum ætatis annum agens, conuallem Ransft (quâ vel pagum Kerns, vel antiquissimum S. Nicolai templum, in monte sublimi, è paternæ domûs regione situm, petituro transeundem erat) semel ingressus, visionem vidit admirabilem; nimirum. Stabat diuinitus fabrefacta in cliuo, vbi postea erectum fuit Sacellum eius solitarium, augusta moles speciosissimæ instar turris, cuius pinnaculum ipsas cœli nubes attingeret. Hanc felix adolescens cum intensius contempleretur, repente incredibili desiderio vitæ solitariae est incensus. Quamobrem ex ea hora (quod ipse postea Arnoldo an der Herten intimo suo reuelauit) & odisse turbas hominum,

minum, & diligere solitudinem maximo-  
perè cœpit. Nil tamen egit immaturè. Erat  
subditus parentibus, rebusq; domesticis  
incumbebat diligenter.

3. Et si quando diurno in agris pratisq;  
peracto labore, domum cum cæteris rede-  
undum esset, solus ipse plerunq; sequens,  
paulatim sese à reliquo suffurabatur comi-  
tatu; quò procedentibus alijs, ac nescien-  
tibus, perlæpè etiam dissimulantibus, se-  
cretiorem aliquem peteret orationi locum.  
Atq; sic demùm gratijs Dæi actis tardior  
ipse redijt.

4. Succedentibus deinde annis, cœpit  
& ipse majori indies virtutum disciplina  
sese exercere: ita vt necdum pubes singu-  
lis sextis ferijs; mox & quatruiduano heb-  
domadatim corpus maceraret ieiunio; fe-  
rijs quidem quarta sextaq; vt se confor-  
mem S. Myreenfi Nicolao redderet; feria  
autem secunda ac Sabbato, ad S. Nicolai  
Tolentinatis exemplum.

5. Quadagesimalem porrò abstinenti-  
am, modico panis frustulo, paucisq; pyris  
furno tostis, in dies singulos absumptis, di-  
ligentissimè quotannis obseruabat. Et cum  
ab alijs ob nimiam austeritatem aliquando  
corriperetur; respondit, ita diuinæ placi-  
tum esse voluntati: vel, quæ Albi Saxlensis  
verba formalia sunt; Gott will es also geheyt  
han.

*De matrimonio eius, ac rebus  
bellicis. CAP. III. §. I.*

**S**UNT, qui hoc capite (quod non semel animaduerti) non nihil offendantur; existimantes, parum decuisse DEI hominem; connubio operam dare; ac liberos procreare. Verum ij primùm, multos Sanctos id ipsum etiam fecisse cogitent: deinde elici hinc posse, singulare diuinæ prouidentiae argumentum. Is quippè si cum sanctissimo cœtaneo suo Francisco de Paula cœlibatum à puero coluisset; nonne Acatholici postea visiones eius, documenta ac præmonitiones more suo ludibrijs exceptas, velut monachica quædā somnia ac deliramenta erant proclamaturi? Iam verò cum ex matrimonio DEI homo prolem suscepit: eccè tibi, eam vnam ob causam & Librerieorum, & pulpita, & cœnæ, & congregationes Nicolai laudum plenæ sunt. Vt intelligas, suo pte si ex ore serui illi nequam olim iudicabuntur, Iustum esse Dominum, & rectum Iudicium eius.

2. Itaq; vxorem duxit Nicolaus, Dorotheam Weißling/ ab omni huius sæculi malitia alienam. Quæ ei singulari DEI dono liberos decem, id est, mares quinq; & totidem fæmellas, (ex quibus deinde familia de Saxo in immensum creuit) enixa est.

Illos



Illos verò vitæ innocentia, morumq; probitate diligentissimè parentes pij instituerunt.

3. Et quanquam Nicolaus pacis esset amantissimus, ob insignem tamen, qua præditus erat; animi corporisq; fortitudinem à magistratu iussus, cum Heluëtijs suis quandoq; pro patria militauit: nihil interea de sanctis moribus, aut de pristina sua mansuetudine ac pietate remittens.

4. Interfuit autem bello Tigurino, quod septenne vocant, admodum quidem pertinaci; minima tamen, pro rerum statu, mortalium clade insigni. Aderat quoq; cum Durgéa, fertilis Heluëtiæ tractus, à fœderatis subigeretur; at negotio facili, & planè incruento. Nec inuenio alia bella, quibus interesse potuerit corpore; nam spiritu postea, dum in Eremito ageret, multis interfuit: Vtp. apud Gransonem, Murten, Nansium, &c. quibus de prælijs copiosè Naucclerus, Chron. Vol. 2. generat. 50.

---

*Abdicat se magistratu; DEO est deuotissimus; & Diaboli infestationes patitur. CAP. IV. §. I.*

**M**VNERA ac dignitates, qualescunq; mea in repub. sunt, non despexit quidem

dem, sed acceptare tamen sibi oblatas nullo pacto voluit. Aliorsum enim solitudinis ille dudum conceptus amor trahebat eum. Quare & Senatorio ordine tépestiuè cessit, & ipsum quoq; Consularum (ad quem non semel etiam in iuuenili ætate, ob excellentes animi dotes, postularus fuit) suis ab humeris totis viribus pepulit.

2. Nempè stimulabant eum visa ac prodigia, quibus subinde diuinitus aut probari, aut consolari, territariùe solebat. E quorum numero non est postremum hoc. Die quadam Nicolaus, cum iudicia agitarentur, cuidã astitit liti, officij gratia: & ecce, videt quosdam ex Senatoribus sulphureas flammæ, ad spectu valdè horribiles, è faucibus efflare; certissimum corruptæ fidei, falsiq; iudicij argumentum. Eo ille spectaculo ita commotus fuit, vt nulli postea vnquã causæ forensi adesse voluerit.

3. Quin & illud indefessus agere solebat, vt media semper nocte circiter, dirupto somno clanculum è lecto surgeret, reliquamq; noctis partem deuotis meditationibus, atq; ardenti oratione peruigil transigeret.

4. Itaque cum aduerteret malignus dæmon, beatum virum egregios in virtutibus progressus continuò facere, veritus ne tandem etiam alijs multis efficeretur causa salutis,

Iuris, qua potuit eum versutia sepiissime molestavit. Præcipuè verò cùm die quadã bonis Colonus, Iohanne filio comitante, irer in fundum suum *Bergmatt* / situm in valle (quæ præruptis atq; altissimis interjacens montibus, à riuo *Melcha* sinuoso cursu inde prolabente, nomen habet) pecoris visendi causa: Et filius pabulum armentis præberet, vellerq; pater à vepribus rubisq; repurgare prætum; adfuit teterrimus hostis, arreptumq; subito nihil tale cogitantem, deorsum per spineta sentesq; ad passus triginta deiecit. Quod ubi filius comperit, quæsitus statim patrem, semianimem, totoq; corpore spinarum aculeis miserè lancinatum inueniens, humeris imponit, atque in fœnile ad focum infert refocillandum. Ibi resumpto ille paulatim animo, patientissimè: Benè quidem, ait, in DEI nomine, quã dirè ractavit me Diabolus? Sed in hoc divina voluntas adimpleta est.

5. Ea patientia animique submissione, tantam Nicolaus gratiam apud DEVM & DEI param virginem consequutus est, ut tamen si eum postea impuri spiritus sexcentis etiam machinis acerrimè, & quandoq; visibiliter oppugnarent, nihil tamen prorsus nocere ei potuerint.



*Aliquot vision- & apparitiones, quibus  
ei demum persuasum fuit, ut mun-  
do penitus valefaceret.*

## CAP. V. §. I.

**C**V M alio deinde tempore in pratum  
DEI homo venisset, cœpissetq; more  
suo ex intima cordis deuotione ad terram  
sedens orare, & attentissimis meditationi-  
bus animum occupare; vidit subitò ex ore  
proprio candens enatum lilium, quod ad  
cælum vsque pertingeret, miramq; redo-  
leret fragrantiam. Sed cum paulò post ar-  
menta (quorum vsu totam sustentabat fa-  
miliam) transirent, & ipse demisso parum-  
per vultu, oculos in equum cæteris præstan-  
torem reflexisset; lilium quoque suo ex o-  
re super equum conspexit incuruari, atque  
à prætereunte bestia deglutiri. Qua visione  
didicit, dona cælestia si misceantur curis &  
solicitudinibus huius vitæ, non secus atq;  
semen verbi DEI, quod inter spinas germi-  
nat, suffocari.

2. Alia vice tres decentis staturæ viri, ha-  
bitu & moribus quandam maiestatem præ-  
se ferentes, ad illum rebus etiam domesti-  
cis occupatum accessere. Quorum primus  
huiusmodi verba depromit: Nicolae,  
vis ne totum & spiritu & corpore in nostrâ

te dēdere potestatem? Cui mox ille: Ne-  
mini me dedo, ait, nisi omnipotenti DEO,  
cuius mancipium esse, iam diu tota mente  
desideraui. Qua audita responsione, tres il-  
li ad inuicem conuersi, in risum prorupe-  
runt. Tum denuò ad eum primus: Si ergò,  
inquit, soli te DEO æternum mancipasti,  
polliceor tibi, quòd vbi septuagesimum æ-  
tatis annum compleueris, misertus labo-  
rum tuorum benignissimus DEVS ab om-  
ni te aduersitatum ærumna liberabit: Qua-  
rè te ad constantem interim exhortor per-  
seuerantiam; daboq; tibi vexillum vrsina  
branca insignitum, quod valido exercitui  
præferas in vita æterna: Crucem quoq; in  
nostri memoriam tibi relinquo bajulan-  
dam. Atq; his ita peractis, tres illi abiēre.  
Qui vnde aut quales fuerint, DEO notum.

3. Neque fide caret, quod ad secandum  
fœnum prædium suū Melchypetenti, con-  
stat euenisse. Dum enim inter eundem di-  
uinam gratiam feruentius imploraret, nu-  
bes cælo delapsa respondit: Impruden-  
ter illum agere, si proprijs nixus viribus,  
DEI se voluntati subderet inuitum, cum  
nihil ipsi DEO sit voluntario obsequio accep-  
tius. Ea igitur voce percutsus, cœpit dein-  
ceps, spretis, quibus operam eatenus im-  
penderat, rebus domesticis, sese totum ad  
cœlestia accommodare.

*Discedit ab uxore, & supernaturalem abstinentiam inchoat.*

CAP. VI. §. I.

**C**Æterum eousq; amicus Dei diuino impulsu agitatus fuit, vt nec totus terrarū orbis ipsius capax esse posse videretur. Quarē dilectæ Coniugi suæ rem fidenter aperit; Habere se nimirum in animo, postpositis mundi illecebris, locum aliquē soli contemplationi idoneū in Eremitio quærere; idq; ad hypocritis suspiciōē euitandam, apud exteros; tranquilla se amplius conscientia inter homines viuere nō posse; assentiret ergo suis votis, & liberam abundi facultatem per Christum concederet. Quod vbi sæpè ac sæpius à Coniuge efflagitasset, ipsa tandem Dei perculsa timore, nolens volens sanctissimo mariti desiderio indulgit.

2. Itaq; anno à partu virgineo M. CCCC. LXVII. mense Septembri, ætatis suæ anno semidequingentesimo primo, relictis uxore & liberis, omnibusque quas possederat facultatibus, vt Christum nudum ac pauperem, pauper ipse ac nudus sequeretur, è cognitione sua & patrio solo egressus, profectiōem rectā Basileam, amplissimam Rauracorum urbem versus instituit. Quo in itinere, cū Iura siue Iurasso monte superato, ad



te, ad Liechſtal agri Baſileenſis oppidulum appuliſſet, totum illud ominoſo portento ruſum apparuit: (is quippè tractus Caluinifmi ſanguine rubricandus olim erat) Quare perterritus Nicolaus properè inde diſcedit, & in villa quadam ruri diuerſatur: Vbi multo ſermone cum villico vltro citroq; habito, voluntarij exilij ſui rationem exponit: Quam ille piam quidem & iuſtam aſſerens, minus tamen conſultè initam ea potiſſimum cauſa exiſtimabat, quòd ex Heluetiorum Fœdere oriundus Nicolaus eſſet: Multò proinde fore ſatius, intra patrias latebras DEO vacare, quàm apud alienos profugum fortè cenſeri.

3. His ille motus conſilij & vocibus, mox eodem vespere ſalutato villico abſcendens, in vicino campo ſub dio pernoctauit. Vbi poſt oblatas DEO preces, anxie ſecum, quònam terrarum confugere expediret, deliberare cæpit. Itaq; talia cum mœrore perpèndentē ſomnus arctior corripit: cumq; pauliſper dormiuiſſet, exortus ſubitò de cœlo ſplendor virum circumuenit; quo ſe tanto ſenſit dolore affici, ac ſi ſibi cultro venter aperiretur: Putabat quoq; ſe verſus Vnderualdiam valido ceu fune trahi. Ex quo demùm intellexit, velle DEVM, vt in patriam reuertèreretur.

4. Et quod verisimillimum est, eo ipso in loco ac tempore (vt Album Saxlense perhibet, & historiæ probat collatio) supernaturalis suæ abstinentiæ initium fecit.

5. Expergefactus igitur, summo mane iter (bidui nimirum) vnde venerat, repetit; sed ita tamen, vt contemptis, quibus iam abiens renunciârat, familiaribus impedimentis, clâm in fundum suum (quod situm in valle Melchæ Kûster nuncupatur) concito gradu pergeret, atq; ibi inter vel post densas veprium spinas, sub præalta & umbrosa Larice, octo continuos dies absq; cibi & potus alimento, nulli hominum conscius latitaret.

---

*Proditur à Venatoribus; comprobatur  
à Sacerdote; locus q̃ habitationis  
diuinitus ei destinatur.*

CAP. VII. §. I.

**O**CTIDVO elapso, amicus DEI à Venatoribus feras insectantibus casu inuentus, Petro fratri eius germano ostenditur. Is vt erat illi charissimus, qua prouit humanitate hominem hortatur, ne se fame perimar. Cui Nicolaus; minimè, inquit, deinceps, cum hætenus non defecerim.

2. Ne tamen plus sibi sapere quàm oporteret, neue DE VM tentare velle videretur; honestum, sibiq; dilectum Sacerdotem, cui Osualdo Isnero nomen, Parochum Kernsianum, clam adsciscit, eiq; secretum hoc aperit; quòd iam ad vndecimum diem absq; famis ac sitis molestia, sine corporali nutrimento, per DE I gratiam perdurârit: consuleret ergò paternè, ea in re quid vltèrius agendum!

3. Sacerdos rei nouitate attonitus, cœpit manus ac pedes eius vndiq; palpitare, totamque faciem intensius contemplari: cumq; tam pallidum os, tènuesq; genas, & arida labra, atq; ipsum corpus macilentum vix cute contegi videret; ratus, non vana superstitione, sed diuino potius instinctu id euenisse; persuasit homini, vt DE I implorato auxilio, ea se inedia diutius exerce-  
ret. Quod cùm ille forti aggredereetur animo, supèrnatùralem illam ac penè Angelicam abstinentiam ad extremum vsq; halitum, id est, semè de Viginti annos rarissimo maximoq; naturæ miraculo continuauit.

4. Cæterùm summo ei fuerat pretio redimendum, vt sub optatissima Larice sua latitare, atq; vni DE O suo vacare cum pace potuisset. Verùm molestante eum Operariorum haud procul inde fruteta siluasq; excidentium turba; cogitauit in ipsa valle



remotiora atq; magis auia deserta quærere. Vtq; diu multumq; cauernas & salebrosas specus perlustrauit, vidit tandem instar quatuor ardentium candelarum lucentes radios in eam Conuallem, quam ipsi Ranfft appellant, cœlitùs descendere. Quibus demùm indicijs certò cognouit, locum hunc in habitationem sibi diuinitùs destinatum.

§. Est autem eremus Ranfft infima vallis Melchæ pars, inter præruptos Saxlensem & S. Nicolai montes sita. Locus inamœnus ac horridus, quâ vario arborum siluestrium genere, quâ sentibus & Virgultis, quæ ob fluidas cliuorum vligines extirpari haud commodè possunt, densè obsitus: quem etiam Melcha riuus (flumen verius dicerem) rapido præterlabens cursu, immani complet murmure; vt ita lachrymarum vallem, locumq; pœnitentiæ præ se ferre, naturâ videatur.

---

*Construit sibi Eremitorium, et custoditur ne quis cibum ei deferat.*

C A P. VIII. §. I.

**V**ENIENS igitur illuc, cœpit vicinorum auxilio ligneam domunculam parare sibi. In qua cum per annum ferè habitasset, videntes Vnderualdij ciues, non hypocriti-

critica simulatione aut fanatico spiritu DE I  
seruum agitari; publicis sumptibus ibidem  
elegans Sacellum in DE I paræ Virginis ho-  
norem extruxerunt. Ad faciem quoque  
ædiculæ nouam Cellam, ex abietibus vfi-  
rato opere contignatam, ita adiunxerunt,  
vt abditus in ea DE I homo latitare, atq; in  
ipsam Sacelli aram intueri opportunè pos-  
set. Quod ædificium vbi absolutum erat,  
boni illi bono Ciui suo liberè donauère.

2. Ingressus itaq; venerabilis Pater no-  
uum domicilium, diuino se Numini de no-  
uo mancipauit. Neq; dictu facile est, qui-  
bus illíc se laboribus, vigilijs, &c. reliquo  
vitæ spacio perdius pernoxque afflictârit.  
Cellulæ eius (quæ hodieq; visitur) longi-  
tudo erat pedum decem ac semis, latitudo  
nouem & dimidij, altitudo pedum non  
amplius sex: in qua ipse ob staturæ proce-  
ritatem erectus stare vix posset; duabus fenest-  
rellis, pedalibus fermè, lumen præbenti-  
bus. Protensus porrò super duo scabella  
asser, eius lectus fuit; & trunculus ceruica-  
le. Tunica simplici, lanea ac talari, eius-  
dem penè & coloris & formæ qua Saluato-  
ris toga depingi solet, utebatur: pedibus &  
capite semper nudus. De balneis, nouacu-  
la & pectine nihil ei in mentem. Scipione  
ob procliuēs montium semitas utebatur.  
Tesseram quoq; Christiani hominēs (co-

ronam dico, seu Rosarium ) quocunq; iret, in manibus gestabat.

3. Crebrescente igitur apud accolas insolitæ Viri abstinentiæ & cōuersationis fama, cœperunt pro suo quisq; arbitrato rem interpretari: alijs diuinæ id quidem prouidentiae, alijs verò simulationi fraudiq; adscribentibus. Quare ex Senatûs decreto vigiles conducuntur, qui totam conuallem Ransst circumqua; obsideant, ne cuiquam hominum ad D E I seruum patêret aditus. Cumq; eas excubias per integrum mensem tenuissent, nihil omninò falsi fucatiue in D E I homine inuenerunt.

---

*Inuisitur & comprobatur ab Episcopis: Sacellum eius Indulgentijs, donisq; Principum decoratur.*

C A P. IX. §. I.

**S**ED ne fortassis Vnderualdenfes de tanto D E I dono falso apud exteros gloriari putarentur; accitus est Reuerendiss. Dn. Thomas Episcopus Aſcalonienſ. Illust.<sup>mo</sup> Dn. Hermannio Constantienſ. Pontifici à Suffragijs. Qui vbi eremiticum Sacellum loci Ransst D E O in memoriam B. Mariæ Virginis, S. Mar. Magdalenæ, Decem millium Martyrum, & S. Crucis, sacris ritibus consecraſſet; ingressus Nicolai domicilium,



cilium, non minimam diei partem cum eo diuinis de rebus disputando absumpsit.

2. Inter cætera verò quæstionem ei de omnium Virtutum maxima proponit; quâ cum Nicolaus OBEDIENTIAM esse responderet, arripiens mox Præsul panem & Vinum, quæ tentandi eum gratia secum attulerat; tres buccellas sub Obedienciæ merito comedere iussit. Nolens igitur Nicolaus Antistitis præcepto reluctari, veritus tamen rei ex longa dissuetudine grauitatem, precibus obtinuit, vt vnâ duntaxat in tres diuisam particulas sumere liceret: quibus permaximâ difficultate comestis, vini quoque pauxillum non sine nausea exsorsit. Vnde attonitus Præsul, virum apprimè probum enunciat; perhibens etiam, se non ausu proprio, sed iussu Illu.<sup>mi</sup> Principis sui tale de illo fecisse periculum. Et hæc quidem gesta sunt, anno M. CCCC. LXIX. die XXVII. Aprilis; cum iam Nicolaus angelicam suam abstinentiam in sesquiannum produxisset.

3. Breui post Hermannus Illustrissimus binos sexpedales, pondoq; ingentis, ex aurichalco conflatos Lychnos, cum bona pecuniarum summa, Eremitæ nostro misit Constantiâ, dicauitq;: cur, & quo animo, iam nemo interroget. Candelabra ergò ante summam Ecclesiæ Saxlensis aram Nicolai

colai iussu collocata: argento in rem Sacelli eremitici coemptum est pascuum elegans, quod situm in valle Melchæ; vulgò Lufs appellatur, alitq; per æstatem XV. capita boum. Atq; hic fundus paucis pòst annis primum Sacerdotij in Ransft extitit fundamentum.

4. Cæterum ædiculam Nicolai iam dedicatam, pulchraq; ornatam dote, Indulgentijs quoque ornari decuit. Quocirca missis Romam Legatis Vnderualdensibus, ex purpuratorum Patrum numero Cardinales sexdecim (quorum primus Guillelmus Ostiensis, alter Latinus Tusculanus, tertius Philippus Albanens. Episcopi, &c.) sat largis Nicolai nostri sacellum ritè colentes munerati Indulgentijs, diploma præclarum, sedecim suis maioribus sigillis munitum, dederunt: Romæ, Anno M. CCCC. LXX. Indiçt. III. die XVIII. April. Pontificat. PAVLI II. anno VI. Quæ Romana anno eodem visa & ratihabita est à memorato Dn. Hermannò Ep. Const. dieq; XIII. Octobr. noua atq; eleganti Bullâ aucta: Notario Conrado Armbroster. Iamq; triennium exegerat vir DE I jeiuus.

5. Haud multo pòst, Hermannò rebus humanis exempto, Constantiensi Cathedræ Ottho præficitur. Hic rumore nuncio excitus, vr rei veritatem coràm intueretur, ipse.

ipsummet ad felicem virum in Vnderaldi-  
am profectus est. Vbi hominis venerandus  
conspectus, & morum probitas, solidaq; re-  
ligio, ac penè Angelica in terris conuersa-  
tio, adeò Principis animum permulsi; vt  
ipse sibi totiq; Diæcesi suæ non posset non  
plurimum gratulari, de tam excellenti Ere-  
mita ac dono DEI: quippè ob cuius merita  
& sanctitatē prosperrimos quosq; rerū suc-  
cessus suo sibi in Episcopatu polliceretur.

6. Constans igitur tam euidentis in Ere-  
mita hoc miraculi fama, dum per Germa-  
niam strenuè vagatur, maturè ad Sigismun-  
di Archiducis Austriæ peruenit aures. Is, vt  
sua eum admonebat pietas, adstipulante  
Heleonora, Scotiæ regis filia, coniuge sua,  
optimum factu est ratus, tanti viri se suosq;  
commendare precibus. Ideoq; sacrum DEI  
paræ virginis eiusque famuli Sacellum in  
Ransft, Calice argenteo inaurato formæ,  
pondo & magnitudinis eximiæ; insuper  
Missali membraneo, ornamentisq; ac su-  
pellectilibus alijs ad cultum diuinum per-  
tinentibus, egregiè decorauit, anno eius  
sæculi, LXXIII. Munus vt insigne, ita fœ-  
lix fuit. Hoc siquidem anno inueteratum  
illud odium, quo Heluetia Austriaq; hosti-  
liter quàm longos annos flagrârant, radici-  
rùs euulsum, & quasi diuina manu abster-  
sum est adeò, vt & Sigismundus æternum



ac hæreditarium ( vt vocant ) amicitiaæ fœdus iniret cum Heluetijs , ciuesque nō paucos Lucernates in Consiliarios suos legeret: quod ego miraculo factum per B. Nicolai merita credo vel maximè.

7. Tantum autem pecuniæ ex aduenarum accolarumq; donis congestum est, vt anno M.cccc. LXXVII. hoc est, in medio eremiticæ Nicolai vitæ cursu, honestum Sacerdotium in conualle Ranfft cōstitueretur. Atq; illi Petrus Bachtalerus Sacerdos bonus ac simplex præfectus.

---

*Nobilis quidam Bauarus, fit Nicolai socius. CAP. X. §. I.*

**P**ER id ferè tempus, vir nobilis Vdalricus ( gentilitium nomen non traditur ) è Bauaria in Vnderualdiam se contulit, Nicolai visendi causa. Quem cum aliquandiu familiariter quotidie conuenisset, tandem exemplo eius & doctrina ad DEI amorem inflammatus est adeo, vt spre-  
tis mundi vanitatibus, rebusq; suis relictis, aliud iam nihil cuperet, quàm vnà cum Nicolao, Christo deinceps in eremo militare, & sobrietatem Angelicam, quoad eius fieri posset, imitari. Itaq; tali incensus desiderio, Virum DEI fidenter adit, multisq; inter-  
positis

positis precibus, ægrè tandem in consortium eius admittitur.

2. Erat in Ransft proximè Sacelli sedem tuguriolum, ipsi primùm Nicolao, ac dein Iohanni eius loci ædituo habitatum. Id Vdalricus iussu Nicolai occupat; inibiq; magno miraculo primos tredecim continuos dies absq; cibi & potûs vsu, soli contemplationi deditus, transegit; idq; sine omni famis aut sitis molestia. Quo elapso tempore, Nicolaus panem, quem illius causa ad se deferri curauerat, infringens, dimidium Vdalrico porrigit, mandatq; ut riuo Melchæ (quem illuc præterlabi diximus) intinctum comedat. Ille statim obediens, collatum frustum accipit, & ut iussus fuerat, reluctante quamuis gula, manducat. Porro postridie, cum de reliqua panis parte similiter actitatum esset; tanta mox esuries hominem inuasit, ut vix vnquam satisfacere appetitui posse videretur. Quod ubi Nicolaus futurum sciuiſſet, fecit interim, ut vxoris suæ ministerio cibus illi abundans mitteretur.

3. Saturatus itaq; Vdalricus, rogare magistrum suum coepit, cur se non passus fuisset, in tali abſtinentia diutius perseuerare! respondit Nicolaus: quia sufficiebat, nam DEI sic dispositum erat voluntate. Id quem in finem, mi Lector considera: nempe, ut miracu-

miraculoso dierum tredecim jejunio, angelica semideuiginti annorum sobrietas, ceu sigillo obfirmaretur.

4. His gestis, Vdalricus, restituta Iohanni ædituō habitatione sua, ascendit propinquum illum collem, cui *Wößly* nomen, e regione *Ranfft* trans *Melcham* situm. Ibi suasu Nicolai sub rupe concaua mansiunculam parauit sibi: porrò iuxta eandem specum ipse anno M. CCCC. LXXXIV. exædificauit Sacellum tribus cum Aris, opere ac forma egregium, in honorem SSS. Michaëlis Archangeli, Bartholomæi Apostoli, & Annæ auia Domini dedicandum. Inibi deuotissimus homo, tametsi corporeo sine nutrimento victitare non posset, corpusculum tamen suum asperriimè domitabar; saxeo nimirum strato, vigilijs, orationibus, jejunijs, varijsq; aduersus Cacodæmones certaminibus. Quo de Vdalrico in sequentibus plura.

---

*Nicolai dapes & alimenta; eiusq; in Venerab. Sacramentum religio.*

CAP. XI. §. I.

**A**DMIRANTIBVS autem non ab re omnibus, ad quorum aures vulgatus hic rumor de diuturno illo ac penè angelico



gelico Nicolai jeiunio penetrauerat; quid  
 demum hominem supra naturæ vim absq;  
 cibi ac potûs alimonia sustentaret! myste-  
 rium tandem fido Sacerdoti Osualdo Isne-  
 ro (cuius supra meminimus, cap. 7. §. 2.)  
 ipſus vir D E I post multiplices Osualdi «  
 preces explicuit; nimirum, quum diuino «  
 interſit Sacrificio, videatq; illic Presbyte- «  
 rum Corpori & Sanguini Chriſti commu- «  
 nicare; ſentire ſe ac percipere miram ex ea  
 ſumptione confortationem.

2. Nonnullis quoq; alijs idipſum instan-  
 ter ſciſcitantibus, reſpondit: In paſſionis  
 Chriſti meditatione; maxime dum ago- «  
 nem Domini, id eſt, ſanctiſſimæ Animæ à «  
 Corpore benedicto ſeparationem, interio- «  
 ris hominis oculis intueatur; ineffabili cor- «  
 ſuum perfundi dulcedine; qua deinde con- «  
 fortatus, communis Vitæ nutrimentis fa-  
 cillime careat.

3. Re ipſa porro ſacroſanctam Euchar-  
 ſtiam ſingulis primùm ſolennioribus Fe-  
 ſtis, e manibus Ioan. Burchardi de Lenzin-  
 gen, Eccleſiæ Saxlenſ. per annos XXIV.  
 paſtoris; ac deinde ſingulis menſibus à Pe-  
 tro Bachtalero primo Eremi Ranſſt Capel-  
 lano, poſt vniuerſas vitæ ſuæ labes ſacra-  
 mentali confeſſione abſterſas, ardenti re-  
 uerentia ac deuotione ſumpſit; idque ritu  
 Catholico, ſub vna ſpecie tantum.

*Consuetudo eius ac pietas,*

## CAP. XII. §. I.

**E**AM porrò consuetudinem habebat, ut primam diei partem à media nocte ad meridiem vsq; , oratione sacrisq; contemplationibus consumeret. Prodigabat deinde ad auram; & si quando consultum videbatur, prominentem ex aduerso clium ascendens, dilectum Vdalricum suum (quo de suprà) visitabat. Ibi illi arcana sensuum mutua ac sincera animorum liberalitate detegendo, longum sæpè miscuere sermonem.

2. Inter cætera autem DEI vir amico suo mortis suæ horam, vti eam ex tribus illis (quod suprà ostendimus, cap. 5.) didicerat, reuelauit. Quà Vdalricus quidem tacitus secum considerans, pluribus etiam annis silentio tegebat.

3. Porro priusquam Capellania seu Sacèrdotium certum in Eremo Ranfft constitueretur, Nicolaus singulis Dominicis festisq; diebus ad Ecclesiam Saxlensem (licet ab Eremo passus ultra mille abesset) Missam auditum impigrè itabat: hebdomadatarim quoq; minimum semel in Sacello eremi salutare DEO Opt. Max. libabatur Sacrum, cui maxima semper deuotione ipse intererat. Deinde verò cum Sacerdos in eremo habi-

tare cœpit proprius, nō Dominicis tantum, festisq; , sed & priuatis diebus omnibus sacra fiebant; ideoq; Nicolaus noster Eremita in publicum, nisi vt Indulgentias aliquando lucrifaceret, non prodibat.

4. Eum verò haud diu ante quam expiraret, inclytæ illi Lucernensium processioni, quæ pridie Annunciationis Deiparæ solenni annuatim & incredibili pompa celebratur, nec non insequenti mox triduoano Iubilæo sacro, interfuisse, certissima habemus argumenta, sed quæ breuitatis studio hîc præterimus. Distat autem Lucerna ab Eremo Ransfe duodecim circiter passuum millibus.

5. Porro cibi potusue licet nihil omnino caperet, vires tamen corporeæ in eo nihil prorsus deficiebant. Ibat, redibat, itinera fat longa perficiebat; idq; nudis pedibus, mente alacri, vultu sereno, prospera semper ac viuida valerudine; Insignia beatæ æternitatis in corpore suo circumferens.

---

*Concertationes eius cum Daemoniis :*

*Quàm deuotus fuerit B. Mariæ*

*Virgini. CAP. XIII. §. I.*

**Q**UIS verò eius cum Cacodæmonibus certamina dicendo consequi possit?



Perſæpè tanto fragore domunculam eius impetière, vt tota eius machina ſubitam quaſi ruinam minitari videretur. Nonnunquam horrida ingreſſi ſpecie, capillis apprehenſum foràs traxère. Sed vbi vi athletam frangi non poſſe animaduèrunt, dolo attentârunt.

2. Itaq; die quodam antiquus hoſtis in ſpecie magnifici cuiusdam ac nobilis Viri in eremo obequitans, impudenter ſuggerit; Ei non licere, ſic præter humanæ ſocietatis uſum, ſolitariam hanc adeoq; auſteram vitam in eremo ducere; cùm & ſic ad Paradifi gloriam perueniri non poſſit: ad quam ſi toto tamen anhelet pectore, expedire maximè, cæterorum ſe hominum moribus vt conformet. At ille (inquit Lupulus) ſpurciſſimi nequam fraudes intelligens, Omnipotentis DEI, & inremèratæ Genitricis eius innixus ſuffragijs, ab omni pro-  
tinus periculo liberatur.]

3. Sanè permagno eum cultu ac veneratione ſanctiſſimam DEI matrem proſequutum; non ſolum Lupulus, ſed antiquiſſimæ etiam picturæ, & Gundelſingius, & Rhærus, veteresq; omnes copioſe conſtantur. In Albo Saxlenſi hæc leguntur: [ Sæpius quoq; Frater Nicolaus Arnolds Rorer (viro ſenatorio, ſibiq; ab incunabulis familiariffimo) indicauit, ſe vehemen-

ter à Diabolo & quotidie affligi, verum à dilectissima Domina nostra iugiter consolari.] Vnde coniectari licet haud obscure, B. Virginem etiam visibiliter ei nonnumquam apparuisse, quandoquidem & Sathanas visibili eum forma sæpenumero infestârit,

---

*Quibus de Causis DEO gratissimus fuerit; & qualiter egerit cum aduenis. C A P. XIV. §. I.*

**D**Eo gratias quotidie agebat, pro gratia triplici: primum, quod consensu vxoris ac liberorum impetrato, solitarius soli DEO vacare in Eremo possit: deinde, quod nullo vnquam ad sua suosq; redeundi desiderio fuisset illectus: ac demum, quod sic sine corporeo nutrimento queat viuere, quam quidem gratiam ab ineunte ætate semper ipse exoprârit.

2. Nunquam etiam ad domûs suæ reuersus est limina, quamuis illa ab eremo haud procul abesset. Porro fecit interdum vxori liberisq; ad se veniendi copiam, hauriendæ scilicet doctrinæ salutaris occasione.

3. Aduenis non omnibus idem ad DEI seruum patebat aditus; quippè qui diceret, quosdam

quosdam ex curiositate potius ac leuitate, quàm fructûs capiendi causâ, illuc aduen-  
tare. Vnde & tales, quos & penitissimè  
pernôrat, longius fugiebat. Reliquos verò  
ad colloquium admissos, comiter saluta-  
bat, docebat, venerabatur.

4. Et quanquam nullam literarum ha-  
beret notitiam, solebat tamen ex infusa su-  
perne scientia, viros etiam peritissimos ab-  
secretarum rerum ignotantia quandoq; li-  
berare. At si qui simpliciores ad eum con-  
fluxissent, benignè eos monuit, vt Pasto-  
rum suorum exhortationes sincera mente  
conseruarent, illisq; pro viribus operam  
impenderent.

---

*Consilia Heluetijs data, et eorum ras-  
tiones.* CAP. XV. §. I.

**P**OST insignem victoriam, quam Can-  
tones octo Helueticî à Carolo Burgun-  
dionum Duce anno M. CCCC. LXXVI.  
reportârunt, haud leue inter ipsos fœdera-  
tos exortum est dissidium. Primum enim  
opimam illam partiri prædam amicè non  
poterant: nam Cantones montani, vtpotè  
Vranienses, Suitij, Vnderualdij, Tugiani &  
Claroneses, in partes octo æquales iuxta  
Cantonum numerû diuisam volebant; op-



pidani verò, qui erant Tigurini, Bernates ac Lucernenses, quòd maiores in bellum fecissent sumptus, maiorem quoq; spoli-  
rum exigebant portionem. Deinde Fri-  
burgenses ac Salodoreses instabant, vt  
in communem Fœderatorum societatem  
admitterentur: atque his gratificari æquis-  
simum ducebant oppidani; contrà auersis-  
simis id reprobabant animis montani. Cùm  
iraque Tigurini, Bernates ac Lucernen-  
ses flecti nequaquam posse montanos cer-  
nerent, peculiare cum Friburgensibus ac  
Salodoresibus percusserunt fœdus: cæte-  
rùm permolestè hoc Vraniensibus, Sutijs,  
reliquisq; ferentibus, eò deducta lis est, vt  
parum abfuerit, quin ferro decerneretur.  
Per eadem quoq; tempora incredibilè pe-  
cuniarum vim à Ludouico XI. Galliarum  
rege acceperant Heluetij, iure quidem opti-  
mo: inde porrò fiebat, vt terrenis aucti opi-  
bus, vitijs quoq; augerentur; auita simpli-  
citate in fastum, sobrietate in luxum apud  
complures desinente.

2. Verumenimverò displicuerunt eæ res  
pacifico ac pauperi Nicolao Vnderualden-  
si, probè iam gnaro, quid demùm incentor  
malorū omnium attentaret Sathanas. Stre-  
nuam igitur in sua vitæ DEI persona (teste  
Etterlino, in Chron. Heluet.) nauauit ope-  
ram, vt Stanzij Siluaniaæ pago fieret Proce-

rum Helueticorum conuentus: cui Friburgensium quoq; ac Salodorensium interessent Legati. Officiose ad tanti Arbitri uocationem comparebant omnes (Is dies fuit medio circiter Decembri. anno M. CCCC. LXXXI.) cum facto confessu, præstò est Nicolaus, qui itinere horarum quatuor illuc ex Eremo venerat, corporis cibo ac potu vacuus, spiritus donis & virtutibus plenus; coepitq; eos paterno affectu increpare primum & arguere; deinde obsecrare, exhortari, docere, præmonere. Grauiissima fuit oratio, & ad mouendos auditorum animos instructissima: id quod rei euentus egregiè docet. Quippè vnico isto die Fœderati ueteres, sopito omni luore atq; odio, non ad pristinam modò concordiam, vnius F. Nicolai interuentu, reducti sunt, sed duobus etiam nouis Cantonibus aucti, Friburgensi scilicet ac Salodorensi. Tenet fama, nec vana est fides, Deum amicum id etiam adjecisse oraculi: [Dilectissimi mei fœderati montani, ego vos non hortor solum, sed planè etiam oro, vt binas illas ciuitates vestro iungatis fœderi; veniet enim tempus, cum earum auxilio ac præsidio indigebitis.] Id quod Catholica Heluetia iam quidem experitur.

3. Reliqua Nicolai consilia, documenta, ac uaticinia, Helueticum Stanzii, tum

etiam in Eremo sæpius inculcata, apud Gundelfingium & Salatum extant, in hanc sententiam. *i.* Amici mei (inquit) non permittatis, quæso, ut liuor, odium, inuidia, dissidiaq; in vobis radices agant; alioquin res vestræ ad nihilum recidunt. *ii.* Sepem foederis vestri vlteri⁹ haud extendite, quàm par sit, ut eo facilius in pace, quiete & libertate, quæ tanti vobis stetit, permanere valeatis. *iii.* Exterorum negotijs nolite vos immiscere; nec alienis cum Dominijs conföderemini. *iiii.* Non vendatis auro patriam: Cauete vobis ab auaritia & priuatis commodis. *v.* Patriam conseruate; manete in ea: neq; exules alienigenas in ciues de facili assumite. *vi.* Bellum sine graui causa nemini intuleritis: si quis autem vos opprimere præsumeret, tum dimiccate fortiter pro patria & libertate. *vij.* Ante omnia autem DEVM timete, & mandata eius custodite. *viii.* Monitis Sacerdotum, tametsi malo vobis exemplo essent, obtemperate: nam quemadmodum fons liquorem suum non minus per canales plumbeos, aut cupreos, quàm per argenteos aureosue, vberimè fundit; ita & DEVS suam gratiam ritè dispositis, tam per malos quàm per bonos Sacerdotes, misericorditer elagitur. *ix.* Deniq; in Religione ac fide majorum constantes estote; exorietur enim post obitum meum



meum ingens seditio ac bellum in Ecclesia; tum cauete charissimi, ne per nouationes aut strophas fallamini; estote concordēs; perseuerate in via & vestigijs piorum parentum nostrorum; tenete & rati habete ea, quæ ab ijs didicistis: Et nec tentationum procellæ, nec turbarum impetus, qui vehementer adhuc sæuiunt, nocere vobis poterunt.] Atq; hæc quidem Nicolaus ad Heluetios.

*Visiones atq; Ecstases eius, diuinarum Institutionum plenissima.*



*Erat patiens*

DIVINA,

CAP.



## CAP. XVI. §. I.

**M**IRABILIS DEVS in Sanctis suis; Ideoq; & sancto seruo suo Nicolao se suaq; magnalia mirabilib<sup>9</sup> patefecit modis. Apparuit illi aliquando multa cum luce ac maiestate Facies quædā hominis barbati, diademate aureo, radijs aureis sex, ac duobus circulis circumdata; ita vt visio tota Rotæ cuidam assimileretur. Accessere autem ad hæc Nicolai Erga, aliorum quorundam Parerga, id est, orbes ac rotulæ aliæ sex; non quòd Nicolao illæ apparuerint, sed interpretationis tantum causa.

2. Eam Nicolai visionem clarissimus vir Sebastianus Verronius S. Th. Doctor, Friburgi in Heluetijs Canonicus, è scriptis Henrici Gundelsingij, ipsaq; Nicolai mente, ita descripsit. [Vidit vir DEI speciem Rotæ duobus circulis & sex radijs delineatam. Interior circulus referebat thronum DEI: exterior mundi vniuersi circumferentiam, quam excedebant nonnulli radij, quòd DEVS benedictus, cum sit immensitate infinitus, nō concludatur ac limitetur cœli empyrei, quòd extrimum est, extremitate. Hic verò cum tres radij cuspidem introrsum vertant, videlicet in aurem, oculum & os DEI, significatur DEVS aure omnia præponderasse ac præsciuisse ab æterno, quæ inter



inter Creaturas futura erant; oculo omnia à condito mundo videre atq; scire, quæcunq; vbiq; gentium aguntur; ore seu verbo virtutis suæ omnia regere atq; gubernare per prouidentiam. Quòd deinde tres radij alij è speculo Diuinitatis latè emanantes, desinunt extrâ in exiles cuspides, significantur tria magnalia DE I, quorum primum est, creatio mundi, quæ quamuis amplissima appareat, tamen cū infinita maiestate DE I comparata, minima existimatur. Secundum est, DE VM, cum magnus & immensus sit, per Incarnationem forma hominis suscepta tanquam paruum apparuisse. Tertium, IE SVM Christum DE VM hominem, cum gloriosus sit, subire propter homines in mysterijs sacrae Eucharistiæ speciem admodum exilem tenuemq;] Hæc Dn. Verronius. Eadem visio habetur fusius explicata Germanicè, in appendice libri reuelationum S. Brigittæ, Amandi, Thauleri, &c. anno M. D. LXX. ab Adamo Valassero, viro integerrimo, Dilingæ editi.

3. Sequitur est autem hanc visionem illud in DE I homine valdè mirandum, ut quemadmodū Nicolaus in primo diuinæ illius Rotæ adpectu mirum in modum terrefactus fuit; ita & omnes ad eum in Ere-mum ventitantes, pari terrore, ob venerandum,

randum, qui è Nicolai facie promicabat, fulgorem, percellerentur.

4. Rectè porro sequentes visiones præcedenti ob insignem mysteriorum harmoniam subnectuntur. Raptus semel Nicolaus extra se visus sibi fuit loca deserta & ab humana habitatione multum seiuncta perlustrare: cæterum conspexit ibi à longè senem quendam venerabili facie, decentiq; habitu, suauissimos modulantem sonos; ita ut vox vna in tres statim mirabiliter distincta, atq; denuò in vnam reducta, perdulcem concentum Nicolai auribus insonaret. Senex dein propius accedens, eleemosynam mendicat; quam cum Nicolaus exhiberet, ille ea hilariter accepta, disparuit.

5. In eadem visione progressus Nicolaus, venit in pagum quendam, paucis exstructum domibus, eminenti tamen adornatum Palatio. Subintrans autem Palatium, offendit in eo scalas decem gradibus contextas; sub quibus emanare limpidissimum atq; vberimum fontem, oleo, vino ac melle permixtum vidit; audiuitq; vocem illic resonantem ac dicentem: [Sitientes hauriant huius fontis liquorem.] Stupefactus igitur & attonitus, mirabatur tam insoliti fluminis originem: & ascendens gradus, inuenit quasi craterem eo liquore plenum: neq; tamen unde aut è quibus scateret cauernis, potuit explo-

explorare. Perpauci etiam hominum ad fontem illum, communis licet omnibus esset, aduentare videbantur. Quod ille indignum ratus, digreditur inde, visurus quid demum miseros mortales abs diuini fontis aditu præpediret: Et ecce, reperit in campo innumerabilem hominum multitudinem, qui quamuis fornicatum more essent solliciti, multoq; sudore terrenis lucris inhiarent, intoleranda tamen rerum omnium inopia premerentur. Hi sepem componentes, neminem nisi dato prius asse transcendere permittebant; illi pontem fluminis sternentes, vectigal à transeuntibus extorquebant; alij tibijs, tympanis, cæterisq; occupari ludicris, non nisi soluta mercede ludos & iocos faciebant. Interim verò nemine eorum in mentem, vt ad copiosissimum illum diuinæ bonitatis fontem, cuius ex porta adaugeri omnes, atq; etiam æternum beari poterant, introiret. En quibus in scholis eruditus Nicolaus noster fuerit, diuinamq; illam (quam summi infimi, docti indocti, senes iuuenes, in eo admirantur) philosophandi rationem assequutus!



*Res aliquot prodigiosa, è quibus cum  
Vaticinij in Nicolao donum, cum  
insignis sanctitas elucet.*

## CAP. XVII. §. I.

**L**VE mortifera tempore quodam in Heluetijs grassante, Vnderualdius quidam consul genere Henzlius binos sibi charissimos filiolos, vt à mortis periculo abessent longius, ad longinquas amādabat terras. Id ubi rescivit Nicolaus, in faciem consuli: Vide, inquit, ne filios tuos è cælis in Infernum ablegaueris. Horrendum dictu audituq;. Non ita multi intercessère anni, cum Iuuenum alter in foro Sarnensi ab Gualthero Isnero ciue Kernsiano transuerberatus pugione, miserrimè occidit: alter verò è feroci excussus equo, cervicès fregit.

2. Filiorum Nicolai nati minimus, cui & ipsi Nicolao nomen; Lutetiam Parisiorum sese contrulerat, capiendi cultûs ingenij causa. Inde per scholarem quendam literas ad Parentem fortè destinat: Ille eas in Sequanis incautus amisit; Vnde contristatus, vix demùm comparère in conspectu Senis audet: colligit tamen se, & in eremum fidenter abit: mira res. Obuius Eremita è cliuo descendit, tabellarium prior

benignè salutat, ioco ubi sint literæ interrogat, simulq; amissas ipse profect & ostendit, angelico haud dubiè ministerio illi exhibitas. Quo miraculo Iuuenis ingenti animi cùm voluptate tum admiratione refertus est.

3. Interlacensis quidam è Bernensium dominio, toto pede misere laborans, atque præ continuo dolore vix vllam quietem percipiens, Beatissimæ Virgini Mariæ in Rânst, eiusq; famulo Nicolao, pro obtinenda sanitate pedem cæreum deuouit offerendum. Qui quidem voto emissio acturum conualuit: at promissis tamen non stetit, donèc vertente anno grauius eodem morbo corripereetur. Itaq; memor iam neglectæ religionis, ad votum persoluendum maturare pro virili cœpit. Porro ubi cæram Virginis Aræ imposuisset, Nicolai se precibus humiliter commendauit: quo continuo orante, valetudinarius ab omni protinus languore fuit liberatus.

4. Cæterum, hominem impurum, flagitijsq; oppressum, exhibitione duorum candentium spirituum, Vir DEI ad frugem atq; ad pœnitentiam adduxit.

5. Cacodæmones, iuuenem, qui ternas recentis butyri formulas, ternis illius loci Sacellis oblatas bajularet, incitantes ad furtum, signo sanctæ Crucis compescuit; F. Vd. lico adstante.

6. Col-

6. Colloquens semel extra Sacellum quibusdam cum aduenis, abrupto sermone in suam cellulam festinus abiit: statim verò inde reuersus, adeò dulcem odoris fragrantiam secum tulit, vt omnes reuera crederent, eum interea cœlesti refectum cibo.

7. Sanis documentis inter coniuges, siue Sathanæ siue hominum improbitate distractos, pristinam concordiam ac pacem sæpius conciliauit.

8. Fæminæ afflictæ atq; consilij inopis tacitas cordis cogitationes in magna hominum frequentia reuelauit: eoq; ipso facto maritum illius ab adulterij suspitione vindicauit.

9. Antonio Renckero puero decennii Kernsiano nonagenariam prædixit ætatem.

10. Admirabundo cuidam eius sanctitatem, atq; in hæc verba: O quam beatus es mi pater; prorumpenti, continuò respondit: [Noli beatum me dicere, fili; veniet tempus, quo exorietur noua quædam Fides, cui qui fortiter restiterit, ille beatus erit.]

11. Deniq; ad virum DEI iuuenis quidam, indutus vestimenta peregrino more picta cultaq; (is enim habitus antea inusitatus, id temporis in Heluetiam quoq; irrepererat) accessit, & de suo super hoc vestium



genere iudicio tentauit. Cui Nicolaus, si cor, ait, bonum est, omnia bona sunt; veruntamen posset cor tuum adeò esse bonum, vt peregrina hæc ac deformia indumenta gestare erubesceres. Multa alia fecit, dixitq; Nicolaus noster, sed ea asserre, instituti breuitas non patitur.

*Felix Nicolai transitus, celebris sepultura, & post mortem eapparitio.*

CAP. XVIII. §. I.

**A**PPETENTE tempore, quo clementissimus DEVS fidelem suum seruum ex vitæ huius miseria ad æterna transire gaudia disposuerat; graui cum ægritudine laborare permisit: quæ quidem toto torquebatur corpore; præcipuè autem in ossibus ac neruis; ita planè, vt consumpta ferè atq; emortua carne, huc atq; illuc sese gyrando nusquam manere posse videretur. Cumq; eo morbo octauum diem non minus patienter quàm ægrè attigisset, cœpit ardentissimè sacrosanctû Corporis & Sanguinis Christi desiderare viaticum. Quod vbi primùm summa recepisset reuerentia, more suo super ligneum lectulum suum extensus, multa cum gratiarum actione dilectam DEO animam septuagenarius exhalauit;

halauit ; anno M. CCCC. LXXXVII. die  
verò XXI. Martij.

2. [Mortuus sanè est Nicolaus noster  
(inquit Gundelfingius) cùm haudqua-  
quam corpore immortalis fuerit. Neq; ta-  
men mortem eius pro morte ducamus.  
Eum namq; præmisimus, existimantes il-  
lum præcedere, NOBISQVE APVD DEVM  
SVFFRAGIO ESSE. Etti mortem obijisse  
nobis enunciaturum sit, gaudio tamen sum-  
mo & læticia affici debëbimus : neque eum  
mortuum appellare audeamus, sed viuendi  
tantum in terris finem fecisse dicamus. O-  
premus omnes & singuli, nos talem vitæ  
habere finem, eoque modo huiusce sæculi  
ærumnas excedere, Christumq; intueri.]

3. Postridiè igitur quàm beatus vir na-  
turæ celsisset, venerandum eius corpus ad  
Templum parochiale pagi Saxlen (vt ille  
vixisset) deportatum est : inibi que  
proximè DEIPARÆ Virginis aram humiliter  
subtus terram conditum. Humato super-  
impositus lapis vnicus, in quo cælata erat  
egregiè exsculptaq; beati Viri effigies. Por-  
rò exequiæ eius tanto Sacerdotum populi-  
que concursu ac studio celebratæ sunt, vt  
die illa omnis Vnderualdensium pietas ac  
religio in vnâ ceu massâ sacram videre-  
tur coagulata ; cùm nec vsquam alibi per  
totam regionem illam, nisi in vna Saxlen-

fium æde ( quod ab hominum memoria non acciderat ) DE o litarentur Sacra.

4. Quin eodem ipso die, multi ægroti, qui ad monumentum eius recens confluerant, à varijs liberati morbis, pristinae valetudini subito fuerunt restituti.

5. Ad extremum, haud dubia fide comperum est, Nicolaum tertia ab obitu suo die, tribus honestis personis supra Saxum ( vnde genti ipsius cognomentum inditum scripsimus ) magnâ claritate splendentem, manuq; candidum vexillum visina insignitum branca præferentem, visibiliter apparuisse. Res & sermone omnium, & scriptis multorum celebrata: sed, o imprudentiam! nomina testium, quos & ipsos tam præclara visio beâssset, memoriæ à scriptore nullo tradita.

---

*Sanationes, quas Dominus ad intercessionem fidelis Serui sui Nic. miraculose operatus est: principio cûm publicas in tabulas, tum in Album Saxo-  
lense fusim relata; exin breuiter à Lupulo tradita.*

C A P. XIX.

1. Episc.



1. *Episc. pedis recuperat sanitatem.*

**B**ENEDICTVS Lausannensis Ecclesiæ Pontifex, acerbo totius cruris pedisq; dolore vehementer afflictus, ita etiam vt deficientibus medicis, illius officio nequaquam vti liceret, amicorum consilio Vnderualdensi huic Nicolao nostro votum nuncupat. Quod vbi primum protulisset, lenito statim morbo equum conscendit, atq; in Vnderualdiam plenus spei proficiscitur: mira auditu res. Vix templo Saxlensi ægrum intulerat pedem, cum ab omni protinus languore liberatur.

2. *Sacerdos calculosus sanatur.*

BERTHOLDVS Feer Ecclesiæ B. Mariæ in Silua tenebricosa, vulgò Einsidlen, plebanus, calculi stranguriæq; vitio quatuordecim continuas hebdomadas ægerime in grabato laborans; cum iam de vita illius cuncti frustratis remedijs desperassent, Vnderualdij se Nicolai committit patrocinio: quod etiam proxime insequura nocte, ingentis lapidis, multæq; arenæ perurinam emissionem, liberaliter expertus est. Vnde & paucis diebus post in Saxlensium æde sanus salusq; comparuit, tam insignis miraculi testis.

3. *Cæco lumen restituitur.*

NICOLAUS ab EinWil ciuis Vnderualdens, quinq; cōtinuos dies omnino cæcus, ad beati viri tumulum à vicinis deducitur; fusaq; ibidē multa ad DEVM & famulū eius Nicolaum oratione, cæcus in paternam domum reuertitur. Sequenti porro nocte ē somno voce quadam excitus, lumina quàm prius vnquam habuisset clariora recepit.

4. *Misera menstruosa subuenitur.*

ELIZABETHA Elerin fæmina Noribergensis, annis quatuordecim menstrui profluuiio incessanter exhausta, eousq; naturæ vitio debilitatur, vt & manibus & pedibus vix prona graderetur. Sed vt Nicolai se commendasset precibus, subleuato morbo ad sepulchrum eius properans, integram sanitatem meruit obtinere.

5. *Vertiginosus conualet.*

IOHANNES Sartor ciuis Eystertensis, tanta capitis vertigine quinque continuis annis oppressus est, vt plano persæpè solo dilaberetur. Vbi verò demùm de Vnderualdensi Nicolao in mentem venit; bustum eius deuorè quæritans, omnem statim ægritudinem nunquam deinceps reuersuram abiisse persensit.

6. *Despe-*

6. *Desperata redditur sanitas.*

MARGARITA Rorbergia Heidelbergensis, à Dominico natali adusq; Sextilis exitum lecto decumbens, atro totius cruris pedisq; morbo ita infecta fuit, vt fusa super illud guttatim aqua candentis instar ferri vaporaret. Vnde & à cunctis desolata medicis, ad Nicolai nostri sepulchrum auxilia se diuina promittit imploraturam; emissioq; statim voto conualescit, & quod pollicita fuerat, absq; cunctatione integra sanaq; persoluit.

7. *Intoxicatus liberatur.*

PETRVS in Saal Sedunensis, veneno apud Gallos grauiter infectus, continuo ita intumuit, vt rupta diplois vtrisq; sub alis dissiliret. Qui mox omnipotentis DEI auxilium per huius Nicolai suffragia inuocās, atq; illius tumulum se aditurum promittens, lethale virus ore, naribus, auribus, umbilico, alijsq; locis actutum euomuit. Quare priori restitutus sanitati, quod ferè moribundus deuouerat, incunctanter est exequutus.

8. *Valetudinarius morbo eripitur.*

Ab ineunte Sextili Conradus Scheuberus Claronensis, dirissimo correptus mor-



bo adeò torquebatur, vt nec os, nec oculos, tam perniox quàm etiam perdius eiulans, præ nimio dolore occludere posset. Cumq; eo languore totum annum, emortuis artibus, & adesa carne, atq; putrefacta iam in tergo cutē, ægerrimè transegisset; Nicolai tandem nostri se offert patrociniū; pollicens etiam recepta valetudine se illius monumenta quàm citissimè quæsiturum. Quapropter immutata mox consuetudine, totius noctis somnum quietius captans, post triduum grabato exsurgit; solidatisq; deinde menstruo tempore membrorum compagibus, sustentaculis vtrinq; fulcitus, iter in Vnderualdiam, solo comitatus adulescētulo, arripit: vbi effusa ad beati viri tumulum oratione, sanus & integer, dimissis quibus venerat crucibus, ad sua repedauit.

### 9. *Morbus comitialis pellitur.*

VDALRICVS Molitor ciuis Furstenbergius, in vigilia Pentecostes anni M. CCCC. XCIII. ad Vnderualdij Nicolai rumbam deueniens, certò asseuerabat; se inde à decenio ipsum Nicolaum superstitem conuenisse, ibiq; post multa amica colloquia alterum alteri fidem dedisse, quòd velint toto vtriusq; vitæ curriculo mutuis se precibus DEO comendare. Nunc autem sibi filiam esse, quæ atroci epilepsiæ morbo fuerit oppressa:

pressa; vnde & ipse defuncti iam Nicolai promissis ad mentem reuocatis, fidentius eius opem implorârit, continuoq; se lu- uenculæ salute persenserit exauditum.

10. *Surdus aurium vsum recuperat.*

PORRO Henrici Zwysenbach ex Siben- thal Bernatis filius decennis, toto anno & amplius omnino surdus, Nicolai etiam pa- trocinio commissus, & ad sepulchrum eius per genitorem deductus, integerrimè cu- ratus est.

11. *Cæcalumen recipit.*

QUIN & Michaëlis Wenbel ciuis Sedunē- sis filia, duodecim septimanis penitus cæ- ca, inuocato Nicolai nostri auxilio, visum perfectè recepit; paucisq; diebus post, ad ipsius bustum miraculi cum patre testis ap- paruit.

12. *Calculosus liberatur.*

MARGARITA Würgin Tigurina filium calculi morbo, toto quidem anno grauer, at extremos octo continuos dies lethaliter decumbentē ad Nicolai sepulchrum, cum munusculi cuiuspiam oblatione deuouit. Quapropter sequenti mox nocte puer ege- stione lapidis, fabæ magnitudinem adæ- quantis, integre conualuit.

13. *Sanationum cumulus.*

SEXCENTA eius generis cùm in Albo Saxl. tum apud Dn. Cysatum habentur miracula; quorum nonnulla in Germanica nostra editione posita, breuitatis hîc causa omisimus. Et possumus reuerà cum Lupulo demùm inferre: Vt summatim tandem concludam, vix auditu credibile videtur, quot aut quantis indies miraculis felix ille Pater fulgeat; cum penè nullum morbi genus per illius suffragia non curetur; maximè verò febricitantes (quibus & herniosos ruptosq; annumeramus) illic exaudiri quotidie, votisq; potiri suis, tam Sacerdoti, quàm etiam ipsius Ecclesiæ in Saxlen yniverſo gregi constar.

---

*F. Vdalrici mors; monumenta Nicolai, eiusq; translatio. CAP. XX. §. I.*

**C**ÆTERVM, Vdalricus ille Eremita bis nobilis, videns dulcissimo se Nicolai priuatum consortio, orbefacti instar turturis, sub rupe sedet sua. De oq; inibi fideliter seruiens supremam vitæ opperitur horulam. Quadriennium mensesq; tres vir pius à Nicolai transitu superuixerat, cùm ipso S. Corporis Christi die decedit, & in Templo parochiali Kerns sepelitur.

Veneranda



Veneranda facie homo, mediocri statura, capite cano, barba lata, densa & proluxa; corpore naturâ obeso, sed pallore ac macie ob jejuniâ affecto. Tunica utebatur, quali Nicolaus; quæ in Kernsiana æde suspensa visitur: nudus pedes, caput villosò operrus pileolo. Post obitum claruisse dicitur miraculis. Monumento eius lapideo, atq; in formam aræ extructo, incisa hæc leguntur verba. [Hic sepultus iacet Frater Vdalricus, qui obiit feliciter anno M. CCCC. XCI.]

2. Anno proximè insequuto, id est, XCII. supra summum ædis Saxlensis altare, Patronorum iuxta statuas picta est imago tricubitalis B. Patris nostri Nicolai, manu magnum gestantis Rosarium. Eadem tempestate in S. Nicolai Oratorio (cuius supra meminimus, cap. 2. §. 2.) ad ipsiusmet S. Antistitis aram pictæ sunt inter alias Divorum icones, Fratrum Nicolai & Vdalrici effigies; æquè tenentium manibus rosaria. Quæ utiq; picturæ clarè docent, vtrumq; Eremitam permagni id tempus fuisse tum nominis tum meriti.

3. Quandoquidè verò Sacellum Nicolai in eremo Ransfr aduentantes quotidie peregrinos accolæque minimè capiebat; quippè cuius longitudo pedes. XXVIII. latitudo XVIII, non excedebat: eapropter  
anno

anno Iubilæi M. D. ac sequenti triennio, in  
 eadem conualle haud procul à sacello ve-  
 teri ( quod hodieq; manet ) fabrefacta est  
 Aedes noua & elegans, longa pedes LXX.  
 lata XXXIII. quæ ob aquarum frequen-  
 tiam lociq; incommoditatem fieri capacior  
 vix potuit. Et maturius fuisset erecta, nisi  
 annis præcedentibus inter Suevos Helueti-  
 osq; bellum incidisset. Tenet fama, stru-  
 cturæ huius sedem ab ipso Nicolao, quod ei  
 se ibidem beatissima Virgo obtulisset, de-  
 terminatam. Odèum habet fornice spe-  
 ciosissima. Altari summo superimposita vi-  
 suntur simulacra Diuorum quina bicubita-  
 lia, mirè scitè & perbenè facta; in quibus  
 etiam illud B. Nicolai est, pro vera eius ef-  
 figie semper habitum. Templum autem ro-  
 tum cum ornatu suo non tam Siluanorum  
 sumptibus exædificatum est, quàm piorum  
 aduenarum donis; in quibus tamen Reue-  
 rendis. D. Matthæi Schineri Episc. Sedu-  
 nensis (cui Henricus Lupulus per id tem-  
 pus Nicolai nostri dicârat Historiam) lon-  
 ge enituit liberalitas. Coopertus postea is  
 princeps est in senatum Cardinalium, anno  
 M. D. IX. cuius laudem eximiam vide apud  
 Paulum Iouium, Hist. tom. 1. lib. 11. Atq;  
 id sanè delubrum vt est sanctæ DEI Eccle-  
 siæ ornamêto, ita maximè Anachoretæ no-  
 stri laudem cumulat, famam illustrat, san-  
 ctitatem

citatem contestatur. Quò spectant etiam, quæ deinceps traduntur.

4. Anno M. D. XIII. in templo Saxlensi erectum est ad summi Altaris dexterum latus, propitiatorium nouum, hoc est, venerabilis Sacramenti tabernaculum, idq; ex aduenarum donis. Lapideum est opus, ar-  
 tificio cuiusdam statuarij Basileensis affabre elaboratum. Surgit in altitudinem ad viginti pedes: cultum venustis aliquot Duorum iconibus, quas inter beati quoque Nicolai visitur, tenentis manu rosarium. Anno dein M. D. XVI. in vrbe eadem, ex donis peregrinorum, facta est in vsum Ecclesiæ Saxlensis ~~tabernaculum~~ siue ca-*Hier-*  
 psa argentea, circumferendo SS. Eucharistiae *theca*  
 mysterio accommodata; pondo, forma atq; opere incredibili: Binis alta cubitis; ornata nouem bellissimis quæ Angelorum quæ Sanctorum sigillis argenteis inauratis: in quibus Nicolai etiam nostri effigies non sine pulchello continetur rosariolo. Rectè sanè ponebatur ad sancta Dei altaria, & Sacramentorū vasa, imago eius, cui solo Altaris Sacramento vitam tamdiu prorogarat DEVS.

5. Porro, cum per B. Viri merita innumera fierent signa & miracula, æquum fidelibus est visum, vt corpus eius humili eatenus loco conditum, ad paulò altiore hono-



honorificè transferretur. Itaque anno M. D. XVIII. die S. Benedicto Abbati sacra cōuenerunt in Saxlen Pontifex Lausannensis Benedictus de Monte Ferrando, totusq; Vnderualdens. clerus. Hi patefactâ tumbâ reliquias sacras in loculū nouū quernumq; reuerenter posuerunt, laminisq; ferreis obfirmârunt. Moxq; eodem loci, vbi sepulchrum prius fuerat, excitatum est instar altaris monumentum, e saxo Lucernensi solido magnificè excisum cœlatumq;. Intra id reponitur primum veteris sarcophagi operculum lapideum, cui incisam diximus Viri DE I effigiem: huic sacra adduntur ossa, & in capsula Episcopi Lausannensis literæ; quæ quid contineant, nobis incōpertum. Clauditur demū monumentum, superimposita ingentis saxi mole, & atq; ucta Nicolai nostri sancti, rosarium manu ferentis, statua; cum inscriptione. [FRATER NICOLAVS DE SAXO, RELICTA VXORE AC LIBERIS, ABIIT IN EREMVM; DEO SERVIVIT SEMIDEVIGINTI ANNIS, SINE CORPORALI CIBO; OBIIT DIE SANCTI BENEDICTI, ANNO DOMINI, M. CCCC. LXXXVII.] Communitur tumulus Cancellis ferreis: & septem lampades, diu noctuq; ad sacrum pignus collucent.

6. Sed jam audi rem, quæ sub hanc Nicolai

colai translationem accidit prodigiosa nimis, atq; alta consideratione digna. Nempe eademmet tempestate, qua Prophetæ DE I ossa veneranda apud Saxlenses è pulvere eleuantur, ecce tibi apud Saxones prodeunt ab inferis Pseudapostolorum sacrilegia, errores, impietates, blasphemiae, sectæ, schismata, rebelliones, turbæ, hæreses. Quæ mala malorum omnium maxima sancti olim Prophetæ & Apostoli, nec non innumeri alij DE I homines disertis sæpe prænunciârunt verbis; nouissimè verò Vnderwaldensis noster Nicolaus, quasi digito commonstrauerat. Vnde & tanta vaticiniorum eius adimpletio, grande fuit eo tempore miraculum.

---

*De B. Nicolao testimonia Exterorum. CAP. XXI.*

**Q**VO loco Eremita hic noster etiam apud externos (nullo scilicet Helvetijs adstrictos fœdere) sit fueritq; semper habitus, & passim occurrit superius, & maxime in hoc capite demonstratur.

1. Primùm igitur Iohannes Trithemius celeberrimus ille Cœnobij Spanheimensis Abbas, in Chronico suo, describens annum M. CCCC. LXXXVII. tale Nicolao

F

tribuit

\* 21.

tribuit testimonium. [ Hoc anno, inquit,  
 \* XXV. die mensis Martij, obiit Nicolaus  
 ille famosus Eremita, in pago Suitensium.  
 siue Suicerorum, non longè ab oppido Lu-  
 cerna, in solitudine vasta; qui multis annis  
 in magna paupertate, humilitate, patientia,  
 & SANCTITATE, Domino in eadem Ere-  
 mo strenuè seruiuit solitarius, & ante mor-  
 tem suam per annos Viginti continuò sine  
 Cibo corporali vixit; quemadmodum hoc  
 EPISCOPI CONSTANTIENSIS; in cuius  
 Parochia morabatur, & aliorum complu-  
 rium fide dignorum testimonio comper-  
 tum habemus. Spiritum quoq; Prophetiæ  
 habuit, & nonnulla genti suæ (quæ postea  
 contigerunt) futura prædixit. Magnus ad  
 eum, etiam ex remotis regionibus, pere-  
 grinorum fiebat concursus; quoniam non  
 procul à monasterio B. Mariæ semper Vir-  
 ginis Eremitarum, eius mansio fuit. Hic  
 homo DEI nobis suo tempore miraculum  
 fuit: qui cum esset omnium literarum pe-  
 nitus ignarus, intellectu tamen scriptura-  
 rum mirabili subtilitate vigeat, dabatq;  
 ad interrogata quorumlibet eruditorum  
 responsa, non secus ac sanctus ille Anto-  
 nius Eremita, Philosophus doctissimus,  
 quondam sine literis reddidisse fertur: quā-  
 quam non omnes passim ad colloquium  
 suum admittebat, nisi quos cognouisset di-  
 uino



uino spiritu ad loquendum concitari: denique MIRACVLIS ferrur coruscasse.] Hæc Trithemius. Qui & Homil. 15. de abst. & jejuniis Monachorum, talia de illo infert. [Ecce, annus agitur vicesimus, ex quo famosus ille Nicolaus Suitensis solitudinem ingressus, cibum non sumpsit humanum. Omnibus notissima loquor; nec hominem in Germania viuere puto, qui famam huius Miraculi non audiuerit, &c.] Nec verò magnificentius hæc Author, quàm verius.

2. Vidimus portò supra cap. 11. §. 5. quid in temporum fasciculo Argentoratenses ei tribuerint: quòd nimirum magna humilitate SOLO Corpore Dominico singulis mensibus refectus, in longos annos corporeo sine cibo vixerit.] Breue, at magni momenti testimonium, quod mihi certè instar omnium.

3. Iam verò Noribergenses, Tubingenses, Colonienses quid? Permultum sanè. Equidem anno M. CCCC. XCIII. id est, sexto à decessu Viri DEI anno, Noribergæ typis prodijt Latine pariter & Germanice Opus chronicum valde eximium, quod vulgò Noribergicum appellant, ab Hartmanno Schedelo I. V. Doctore, alijsq; nonnullis vrbis eiusdem ciuibus confectum. Atque in eo Opere, vbi describitur annus M. CCCC. LXXX. perhonorifica Nicolai

nostri fit mentio. Quem locum Iohannes Naucerus I.V. Doctor, præpositus Tubingensis, Eremitæ nostrî æquè contemporaneus, in compendium redactum, suis Chronicis nobilissimis, Agrippinæ Coloniae approbatis & multoties excusis, hisce inseruit verbis. Generat. 50. fol. 1103. [ Apud Suitenses montanos in Alemannia, haud longè à finibus Lucernensium, in loco vastæ solitudinis, homo senex solitariam vitam & abstinentissimam hoc tempore degebat. QVI PER ANNOS VIGINTI SINE CORPORALI CIBO VIXIT; quem Fratrem Nicolaum appellabant. Habebat uxorem & liberos, à quibus secessit ob frugem melioris vitæ. Vir corpore aridus & exhaustus, sola cute nervisque & ossibus compactus, HIC HOMO QVASI COELESTEM VITAM EGIT IN TERRIS, immaculatam absq; sorde: quamvis nonnulli iniqui iudices aliorum ac deceat, interpretati fuerint. Sed mirum, cur virum calumnientur, qui longam vitam in arctissima paupertate & solitudine duxit; in abstinentia extrema & humilitate perseverans: qui nihil appetiuit, qui nulli iniurius fuit, qui auaritiâ calcavit, honores spreuit, nullum superbiæ fomitem ostendit: OPTIME DE FIDE SENTIENS. Paucorum verborum cum esset, ad interrogata tamen salubria  
semper

semper & consolatoria respondit, ita quòd rarò quisquam ab eo non ædificatus abscessit. Is igitur **BONVS**, **IUSTVS** ac **SANCTVS** à bonis semper est habitus. Sciebat se mortali culpa liberum, bonis operibus ac contemplationibus intentum. Indicauit hoc perpetua hominis alacritas atque lætitia, quem nemo mœstum vidit, sed vultu semper eodem. Per **ANTI STITEM** quoque **CONSTANTIENSEM** **APPROBATVS**; ad cuius præceptum tres particulas panis, tanquam **OBEDIENTIÆ FILIUS** comedit, quas cum difficultate deglutiuit. Tandem senio & viribus deficiens, eius senilem animam mollis dissoluit sopor. Sepultus est in Ecclesia sui pastoris, cum opinione sanctitatis.] Hæc Naclerus: quæ apud Noribergenses ita finiunt. [Sepultus in Ecclesia sui pastoris **NON SINE MIRACVLIS** quiescit: qui & finitimis populis nonnulla **VATICINIA** prædixit.

4. Quin Erenitarum nostrorum fama altissimis superatis Alpibus, in mediam quoq; Italiam penetrauit. Nam Bonifacius Simoneta Cornu Abbas, Nicolao nostro coæuus, Epistolarum suarum lib. 3. epist. ad Nicolaum Palmèrium, sic scribit, [Vir probus Mediolanensis, qui Donatus nuncupatur, qui per orbem ad lapides preciosos sæpè vagatur, duo præmissis mira-



biliora addit: scilicet, quod in Germania (est autem Heluetia Germaniæ pars, quemadmodum Longobardia Italiæ) temporibus nostris Eremita (Nicolaus) antro maxima obseruatione inclusus, per Viginti annos iam elapsos non comedit: tum ab illo alium (Vdalricum) non longe distare, singulis diebus tres exiguos globulos è nucleis persicorum edentem asserit.] Hæc Simonera. Excusum est illud Epistolare volumen Basileæ, anno M. D. IX.

5. Ad exterorum testimonia & illud quoque pertinere videtur. Anno circiter M. D. LXX. in templum Saxlense venit, atq; ad sepulchrum B. Nicolai mira animi deuotione adorauit, beatissimus Vir Carolus Borromæus Card. & Archiep. Mediolanensis: qui ex ea hora totum ad Heluetios adjecit animum, factus eorum temporaneus primùm, dein verò vbi mortalem exutus clamydem in B. Nicolai complexus venit, æternus fautor ac patronus. Res ipsa loquitur, nec vlla eget probatione.

6. Per id tempus Adamus Valasserus Dillinganus, vir planè doctus ac pius, in vsum Germanæ pietatis multos pietissimos atq; elegantissimos Tractatus Germanicè edidit; atq; inter alios etiam Martyrologium sacrum, cum præfatione & castigatione nominatissimi è Societate Iesv Theologi Petri

Petri Canisij: unde & factum, ut illud hodie non tam Valasseri, quam Canisij Martyrologium vulgò vociteretur. Quo quidem in Opere ad XXI. Martij tale Nicolao nostro tribuitur testimonium. [Item beata (inquit) memoria Fratris Nicolai Anachoretæ Vnderualdensis Helvetij, qui cum consensu vxoris suæ, domesticis rebus mûdoq; relictis, vitam abstractissimam & religiosissimam per viginti pene annos sine humano cibo ac potu vixit; spiritum Propheticum habuit; Miraculis quoq; post obitum clarus, quiescit in templo parochiali Saxlen. Obijt anno M. CCCC. LXXXVII.] Hæc Martyrologium.

7. Taceo Eremitæ nostri mentionem in vulgaribus etiam probatisq; reperiri fastis: maximè tamen in Calendario Romano, per celeberrimum virum Gilbertum Genebrardum Theologum Parisiensem, diuinarum Hæbraicarumq; literarum Professore regium Psalmis Dauidicis, ab eo egregiè illustratis, præfixo, subq; annum M.D. LXXXII, Parisijs excuso.

8. Quin & annis superioribus in ipsa vrbe Roma publicè prostare visæ sunt imagines Eremitæ huius, arte Belgica adumbratæ, cum tali subscriptione.

*Nicolaos hic est, impransus & incænatus,  
Qui solus quinas vixit Olympiadas:*



bo adeò torquebatur, vt nec os, nec oculos, tam perniox quàm etiam perdius eiulans, præ nimio dolore occludere posset. Cumq; eo languore totum annum, emortuis artubus, & adesa carne, atq; putrefacta iam in tergo cute, ægerrimè transegisset; Nicolai tandem nostri se offert patrociniò; pollicens etiam recepta valetudine se illius monumenta quàm citissimè quæsiturum. Quapropter immutata mox consuetudine, totius noctis somnum quietius captans, post triduum grabato exsurgit; solidatisq; deinde menstruo tempore membrorum compagibus, sustentaculis vtrinq; fulcitus, iter in Vnderualdiam, solo comitatus adulescèntulo, arripit: vbi effusa ad beati viri tumultum oratione, sanus & integer, dimissis quibus venerat crucibus, ad sua repedauit.

### 9. *Morbus comitialis pellitur.*

VDALRICVS Molitor ciuis Furstenbergius, in vigilia Pentecostes anni M. CCCC. XCIII. ad Vnderualdij Nicolai rumbam deueniens, certò asseuerabat; se inde à decenio ipsum Nicolaum superstitem conuenisse, ibiq; post multa amica colloquia alterum alteri fidem dedisse, quòd velint toto vtriusq; vitæ curriculo mutuis se precibus DEO comendare. Nunc autem sibi filiam esse, quæ atroci epilepsiæ morbo fuerit oppressa:



pressa; vnde & ipse defuncti iam Nicolai promissis ad mentem reuocatis, fidentius eius opem implorârit, continuoq; se Iu- uenculæ salute persenserit exauditum.

### 10. *Surdus aurium vsum recuperat.*

PORRO Henrici Zwysenbach ex Siben- thal Bernatis filius decennis, toto anno & amplius omnino surdus, Nicolai etiam pa- trocinio commissus, & ad sepulchrum eius per genitorem deductus, integerrimè cu- ratus est.

### 11. *Cæcalumen recipit.*

QUIN & Michaëlis Wenbel ciuis Sedunē- sis filia, duodecim septimanis penitus cæ- ca, inuocato Nicolai nostri auxilio, visum perfectè recepit; paucisq; diebus post, ad ipsius bustum miraculi cum patre testis ap- paruit.

### 12. *Calculosus liberatur.*

MARGARITA Würgin Tigurina filium calculi morbo, toto quidem anno grauiter, at extremos octo continuos dies lethaliter decumbentē ad Nicolai sepulchrum, cum munusculi cuiuspiam oblatione deuquit. Quapropter sequenti mox nocte puer ege- stione lapidis, fabæ magnitudinem adæ- quantis, integre conualuit.

13. *Sanationum cumulus.*

SEXCENTA eius generis cum in Albo Saxl. tum apud Dn. Cysarum habentur miracula; quorum nonnulla in Germanica nostra editione posita, breuitatis hinc causa omisimus. Et possumus reuerà cum Lupulo demum inferre: Vt summatim tandem concludam, vix auditu credibile videtur, quot aut quantis indies miraculis felix ille Pater fulgeat; cum penè nullum morbi genus per illius suffragia non curetur; maximè verò febricitantes (quibus & herniosos ruptosq; annumeramus) illic exaudiri quotidie, votisq; potiri suis, tam Sacerdoti, quàm etiam ipsius Ecclesie in Saxlen vniuerso gregi constat.

---

*F. Vdalrici mors; monumenta Nicolai, eiusq; translatio.* CAP. XX. §. I.

**C**ÆTERVM, Vdalricus ille Eremita bis nobilis, videns dulcissimo se Nicolai priuatum consortio, orbefacti instar rurturis, sub rupe sedet sua. De o q; inibi fideliter seruiens supremam vitæ opperitur horulam. Quadriennium mensesq; tres vir pius à Nicolai transitu superuixerat, cum ipso S. Corporis Christi die decedit, & in Templo parochiali Kerns sepelitur.

Veneranda

Veneranda facie homo, mediocri statura, capite cano, barba lata, densa & proluxa; corpore naturâ obeso, sed pallore ac macie ob jejuniâ affecto. Tunica utebatur, quali Nicolaus, quæ in Kernsiana æde suspensa visitur: nudus pedes, caput villosò operrus pileolo. Post obitum claruisse dicitur miraculis. Monumento eius lapideo, atq; in formam aræ extructo, incisa hæc leguntur verba. [Hic sepultus iacet Frater Vdalricus, qui obiit feliciter anno M. CCCC. XCI.]

2. Anno proximè insequuto, id est, XCII. supra summum ædis Saxlensis altare, Patronorum iuxta statuas picta est imago tricubitalis B. Patris nostri Nicolai, manu magnum gestantis Rosarium. Eadem tempestate in S. Nicolai Oratorio (cuius supra meminimus, cap. 2. §. 2.) ad ipsiusmet S. Antistitis aram pictæ sunt inter alias Duorum icones, Fratrum Nicolai & Vdalrici effigies, æquè tenentium manibus rosaria. Quæ utiq; picturæ clarè docent, utrumq; Eremitam permagni id tempus fuisse tum nominis tum meriti.

3. Quandoquidè verò Sacellum Nicolai in eremo Ransft aduentantes quotidie peregrinos accolæque minimè capiebat; quippè cuius longitudo pedes. XXVIII. latitudo XVIII, non excedebat: eapropter  
anno



anno Iubilæi M. D. ac sequenti triennio, in  
 eadem conualle haud procul à sacello ve-  
 teri ( quod hodieq; manet ) fabrefacta est  
 Aedes noua & elegans, longa pedes LXX.  
 lata XXXIII. quæ ob aquarum frequen-  
 tiam lociq; incommoditatem fieri capacior  
 vix potuit. Et maturius fuisset erecta, nisi  
 annis præcedentibus inter Suevos Helueti-  
 osq; bellum incidisset. Tenet fama, stru-  
 cturæ huius sedem ab ipso Nicolao, quod ei  
 se ibidem beatissima Virgo obtulisset, de-  
 terminatam. Odèum habet fornice spe-  
 ciosissima. Altari summo superimposita vi-  
 suntur simulacra Diuorum quina bicubita-  
 lia, mirè scitè & perbenè facta; in quibus  
 etiam illud B. Nicolai est, pro vera eius ef-  
 figiè semper habitum. Templum autem to-  
 rum cum ornatu suo non tam Siluanorum  
 sumptibus exædificatum est, quàm piorum  
 aduenarum donis; in quibus tamen Reue-  
 rendis. D. Matthæi Schineri Episc. Sedu-  
 nensis (cui Henricus Lupulus per id tem-  
 pus Nicolai nostri dicârât Historiam) lon-  
 gè enituit liberalitas. Cooptratus postea is  
 princeps est in senatum Cardinalium, anno  
 M. D. IX. cuius laudem eximiam vide apud  
 Paulum Iouium, Hist. rom. i. lib. i i. Atq;  
 id sanè delubrum vt est sanctæ DE I Eccle-  
 siæ ornamêto, ita maximè Anachoretæ no-  
 stri laudem cumulat, famam illustrat, san-  
 ctitatem

citatem contestatur. Quò spectant etiam, quæ deinceps traduntur.

4. Anno M. D. XIII. in templo Saxlensi erectum est ad summi Altaris dexterum latus, propitiatorium nouum, hoc est, venerabilis Sacramenti tabernaculum, idq; ex aduenarum donis. Lapideum est opus, artificio cuiusdam statuarij Basileensis affabre elaboratum. Surgit in altitudinem ad viginti pedes: cultum venustis aliquot Diuorum iconibus, quas inter beati quoque Nicolai visitur, tenentis manu rosarium. Anno dein M. D. XVI. in vrbe eadem, ex donis peregrinorum, facta est in vsum Ecclesiæ Saxlensis ~~tabernaculum~~ siue ca-*Hier-*  
psa argentea, circumferendo SS. Eucharistiae mysterio accommodata; pondo, forma atq; opere incredibili: Binis alta cubitis; ornata nouem bellissimis quæ Angelorum quæ Sanctorum sigillis argenteis inauratis: in quibus Nicolai etiam nostri effigies non sine pulchello continetur rosariolo. Rectè sanè ponebatur ad sancta Dei altaria, & Sacramentotû vasa, imago eius, cui solo Altaris Sacramento vitam tamdiu prorogarat DEVS.

5. Porro, cum per B. Viri merita innumera fierent signa & miracula, æquum fidelibus est visum, vt corpus eius humili eatenus loco conditum, ad paulò altiore hono-

colai translationem accidit prodigiosa nimis, atq; alta consideratione digna. Nempè eademmet tempestate, qua Prophetæ DEI ossa veneranda apud Saxlenses è pulvere eleuantur, ecce tibi apud Saxones prodeunt ab inferis Pseudapostolorum sacrilegia, errores, impietates, blasphemix, sectæ, schismata, rebelliones, turbæ, hæreses. Quæ mala malorum omnium maxima sancti olim Prophetæ & Apostoli, nec non innumeri alij DEI homines disertis sæpe prænunciârunt verbis; nouissimè verò Vnderwaldensis noster Nicolaus, quasi digito commonstrauerat. Vnde & tanta vaticiniorum eius adimpletio, grande fuit eo tempore miraculum.

---

*De B. Nicolao testimonia Exterorum. CAP. XXI.*

**Q**VO loco Eremita hic noster etiam apud exteros (nullo scilicet Helvetijs adstrictos fœdere) sit fueritq; semper habitus; & passim occurrit superius, & maxime in hoc capite demonstratur.

1. Primùm igitur Iohannes Trithemius celeberrimus ille Cœnobij Spanheimensis Abbas, in Chronico suo, describens annum M. CCCC. LXXXVII. tale Nicolao



\* 21.

tribuit testimonium. [ Hoc anno, inquit,  
\* XXV. die mensis Martij, obiit Nicolaus  
ille famosus Eremita, in pago Suitensium  
sive Suicerorum, non longè ab oppido Lu-  
cerna, in solitudine vasta; qui multis annis  
in magna paupertate, humilitate, patientia,  
& SANCTITATE, Domino in eadem Ere-  
mo strenuè seruiuit solitarius, & ante mor-  
tem suam per annos Viginti continuò sine  
Cibo corporali vixit; quemadmodum hoc  
EPISCOPI CONSTANTIENSIS, in cuius  
Parochia morabatur, & aliorum complu-  
rium fide dignorum testimonio comper-  
tum habemus. Spiritum quoq; Prophetiæ  
habuit, & nonnulla genti suæ (quæ postea  
contigerunt) futura prædixit. Magnus ad  
eum, etiam ex remotis regionibus, pere-  
grinorum fiebat concursus; quoniam non  
procul à monasterio B. Mariæ semper Vir-  
ginis Eremitarum, eius mansio fuit. Hic  
homo DEI nobis suo tempore miraculum  
fuit: qui cum esset omnium literarum pe-  
nitens ignarus, intellectu tamen scriptura-  
rum mirabili subtilitate vigeat, dabatq;  
ad interrogata quorumlibet eruditorum  
responsa, non secus ac sanctus ille Anto-  
nius Eremita, Philosophus doctissimus,  
quondam sine literis reddidisse fertur: quā-  
quam non omnes passim ad colloquium  
suum admittebat, nisi quos cognouisset di-  
uino

uino spiritu ad loquendum concitari: denique MIRACVLIS ferrur coruscasse.] Hæc Trithemius. Qui & Homil. 15. de abst. & ieiunio Monachorum, talia de illo infert. [Ecce, annus agitur vicesimus, ex quo famosus ille Nicolaus Suitensis solitudinem ingressus, cibum non sumpsit humanum. Omnibus notissima loquor; nec hominem in Germania viuere puto, qui famam huius Miraculi non audiuerit, &c.] Nec verò magnificentius hæc Author, quàm verius.

2. Vidimus portò suprà cap. 11. §. 5. quid in temporum fasciculo Argentoratenses ei tribuerint: quòd nimirum magna humilitate SOLO Corpore Dominico singulis mensibus refectus, in longos annos corporeo sine cibo vixerit.] Breue, at magni momenti testimonium, quod mihi certè instar omnium.

3. Iam verò Noribergenses, Tubingenses, Colonienfes quid? Permultum sanè. Equidem anno M. CCCC. XCIII. id est, sexto à decessu Viri DEI anno, Noribergæ typis prodijt Latine pariter & Germanicè Opus chronicum valde eximium, quod vulgò Noribergicum appellant, ab Hartmanno Schedelo I. V. Doctore, alijsq; nonnullis vrbs eiusdem ciuibus confectum. Atque in eo Opere, vbi describitur annus M. CCCC. LXXX, perhonorifica Nicolai



nostri fit mentio. Quem locum Iohannes Naucerus I.V. Doctor, præpositus Tubingenſis, Eremitæ noſtri æquè contemporaneus, in compendium redactum, ſuis Chroniſis nobiliſſimis, Agrippinæ Coloniae approbatſ & multoties excuſis, hiſce inferuit verbis. Generat. 50. fol. 1103. [ Apud Suitenſes montanos in Alemannia, haud longè à finibus Lucernenſium, in loco vultæ ſolitudinis, homo ſenex ſolitariam vitam & abſtinentiſſimam hoc tempore degebat. QVI PER ANNOS VIGINTI SINE CORPORALI CIBO VIXIT; quem Fratrem Nicolaum appellabant. Habebat vxorem & liberos, à quibus ſeceſſit ob frugem melioris vitæ. Vir corpore aridus & exhaustus, ſola cute neruiſque & oſſibus compactus. HIC HOMO QVAſI COELESTEM VITAM EGIT IN TERRIS, immaculatam abſq; ſorde: quamvis nonnulli iniqui iudices alioſum ac deceat, interpretati fuerint. Sed mirum, cur virum calumnientur, qui longam vitam in artiſſima paupertate & ſolitudine duxit; in abſtinentia extrema & humilitate perſeuerans: qui nihil appetiuit, qui nulli iniurius fuit, qui auaritiā calcauit, honores ſpreuit, nullum ſuperbiæ fomitem oſtendit: OPTIME DE FIDE SENTIENS. Paucorum verborum cum eſſet, ad interrogata tamen ſalubria ſemper



semper & consolatoria respondit, ita quòd rarò quisquam ab eo non ædificatus abscessit. Is igitur **BONVS**, **IUSTVS** ac **SANCTVS** à bonis semper est habitus. Sciebat se mortali culpa liberum, bonis operibus ac contemplationibus intentum. Indicauit hoc perpetua hominis alacritas atque lætitia, quem nemo mœstum vidit, sed vultu semper eodem. Per **ANTIISTITEM** quoque **CONSTANTIENSEM** **APPROBATVS**; ad cuius præceptum tres particulas panis, tanquam **OBEDIENTIAE FILIUS** comedit, quas cum difficultate deglutiuit. Tandem senio & viribus deficiens, eius senilem animam mollis dissoluit sopor. Sepultus est in Ecclesia sui pastoris, cum opinione sanctitatis.] Hæc Nauclerus: quæ apud Noribergenses ita finiunt. [Sepultus in Ecclesia sui pastoris **NON SINE MIRACVLIS** quiescit: qui & finitimis populis nonnulla **VATICINIA** prædixit.

4. Quin Eremitarum nostrorum fama altissimis superatis Alpibus, in mediam quoq; Italiam penetrauit. Nam Bonifacius Simoneta Cornu Abbas, Nicolao nostro coæuus, Epistolarum suarum lib. 3. epist. ad Nicolaum Palmerium, sic scribit. [Vir probus Mediolanensis, qui Donatus nuncupatur, qui per orbem ad lapides preciosos sæpè vagatur, duo præmissis mira-

biliora addit: scilicet, quod in Germania (est autem Heluetia Germaniæ pars, quemadmodum Longobardia Italiæ) temporibus nostris Eremita (Nicolaus) antro maxima obseruatione inclusus, per Viginti annos iam elapsos non comedit: tum ab illo alium (Vdalricum) non longè distare, singulis diebus tres exiguos globulos è nucleis persicorum edentem asserit. ] Hæc Simonera. Excusum est illud Epistolare volumen Basileæ, anno M. D. IX.

5. Ad exterorum testimonia & illud quoque pertinere videtur. Anno circiter M. D. LXX. in templum Saxlense venit, atq; ad sepulchrum B. Nicolai mira animi deuotione adorauit, beatissimus Vir Carolus Borromæus Card. & Archiep. Mediolanensis: qui ex ea hora totum ad Heluetios adiecit animum, factus eorum temporaneus primùm, dein verò vbi mortalem exutus clamydem in B. Nicolai complexus venit, æternus fautor ac patronus. Res ipsa loquitur, nec vlla eget probatione.

6. Per id tempus Adamus Valasserus Dillinganus, vir planè doctus ac pius, in vsum Germanæ pietatis multos pietissimos atq; elegantissimos Tractatus Germanicè edidit; atq; inter alios etiam Martyrologium sacrum, cum præfatione & castigatione nominatissimè Societate Iesv Theologi  
Petri

Petri Canisij: vnde & factum, vt illud hodie non tam Valasseri, quàm Canisij Martyrologium vulgò vociterur. Quo quidem in Opere ad XXI. Martij tale Nicolao nostro tribuitur testimonium. [Item beata (inquit) memoria Fratris Nicolai Anchorætæ Vnderualdensis Heluetij, qui cum consensu vxoris suæ, domesticis rebus mudoq; relictis, vitam abstractissimam & religiosissimam per viginti pene annos sine humano cibo ac potu vixit; spiritum Propheticum habuit; Miraculis quoq; post obitum clarus, quiescit in templo parochiali Saxlen. Obijt anno M. CCCC. LXXXVII.] Hæc Martyrologium.

7. Taceo Eremitæ nostri mentionem in vulgaribus etiam probatisq; reperiri fastis: maxime tamen in Calendario Romano, per celeberrimum virum Gilbertum Genebrardum Theologum Parisiensem, diuinarum Hæbraicarumq; literarum Professore regium Psalmis Dauidicis, ab eo egregiè illustratis, præfixo, subq; annum M.D. LXXXII. Parisijs excuso.

8. Quin & annis superioribus in ipsa vrbe Roma publicè proflare visæ sunt imagines Eremitæ huius, arte Belgica adumbratæ, cum tali subscriptione.

*Nicolaos hic est, impransus & incænatus,  
Qui solus quinas vixit Olympiadas:*



*Helvetica cantes, & conscia saxa loquantur.  
Quot biberint lachrymas, audierintq; preces.*

*Quid Nouatores etiam de Nicolao  
sensierint. CAP. XXII. §. I.*

**E**A virtutis vis ac plulchritudo est, vt in  
sui admirationem & amorem etiam  
improbos inuiter. Quarè capitales quoq;  
vitæ eremiticæ hostes Eremitam nostrum  
miris extulerunt laudibus. Anno quippè  
M. D. XXV. Osualdus Molitor, qui & My-  
conius, Zuinglij discipulus, Vadiani asse-  
cla, in suo super nobile illud (cuius suprà  
meminimus, cap. 11. §. 6.) Henrici Glarea-  
ni de Heluetia carmen Commentario, edit.  
Basil. pag. 64. sui velut oblitus, in hunc mo-  
dum disseruit. Huic est vastæ pius Incola  
eremi.) Nicolaum significat Eremitam.  
Hic quidem natione Siluanus, patre Hen-  
rico, matre Hemmanna progenitus, DIVI-  
NO MONITV eremum intrauit, vxore cum  
decem liberis, quinq; maribus, & totidem  
puellis, relicta. Vbi absq; cibo & potu hu-  
mano \* XXI. annos transegit.] Et paulo  
infra. [Sepultus iacet apud Siluanos, in pa-  
go cui nomen Saxlen. Vir fuit admodum  
procera statura & formosa: suprà quàm e-  
rat satis, macie confectus, vt nihil aliud ha-  
bere

\* XIX.

bere visus sit, quàm cutem ossibus adhærentem. Color erat fuscus; capilli nigri, canitie parsim interspersi. Barba non prolixa, nec multo pilo, sed in medio bifurcata. Oculi apprimè nigri, & quibus terrore quis potuisset OB VENERANDVM FVLGOREM concuti. Colli, gutturiq; venæ, dum loquebatur, non sanguine sed aëre videbantur plenæ. Veste vsus vnica & simplici, ad talos vsq; demissa. Caput semper nudum, & nudi pedes. Vocem edebat virilem, sermonem tardum. Disputans de DEO, videbatur omnia sacrarum literarum secreta esse rimatus, cum tamen ne literam quidem nouerat. Illud addam: Cellulam eius fuisse longam duobus passibus & semis, latam vnus & dimidij, altam vt capite eius summitatem tangeret. Nihil insuper videbas, præter duo humillima scabellâ, quibus haud dubiè pro cervicalibus utebatur. Hæc adscripsimus ob eam causam, quòd hactenus non vidimus adnotata ab his, qui vitam eius viri literis mandarunt: quamuis Henricus LV PVLVS canonicus Bernensis, homo planè doctus, nihil penè omiserit: eius Libellum propediem in lucem dabimus. Nostri Poëtæ (Glareani) parens cum eo loquutus fertur: cum auo Poëtæ ac eius maioribus bello interfuit. Poëta eo anno natus est, quando Nicolaus mo-

ritur. Filium eius consulem vidit Poëta  
Siluaniae anno à IESV CHRISInatali M.D.  
X. Nicoleos, Attica declinatio est, vt Menie-  
leos: nam Nicolaus ditrochæus, heroïco  
versui minus apta erat dictio.] Et hæc qui-  
dem hætenus ille Molitor.

2. Cæterum Ioh. Stumphius) in Chro-  
nico; sub annum M. D. XLII. in lucē dato;  
prolixum satis & memorabile de Nicolao  
nostro habet testimonium, Id Henricus  
Pantaleon Basileensis, Prosopographiæ  
Heroum atq; illustrium Germaniæ virorū  
parte secunda, numero annorum Christi  
M. CCCC. LXXXVI. hisce complectitur  
verbis.

FRATER Nicolaus Vnderualdensis Ere-  
mita.) Nicolaus ille apud Vnderualdenses  
Heluetios natus & educatus fuit. Is cū ado-  
leuisset, vxorem duxit, atq; plurimos libe-  
ros procreauit. Erat autem INNOCENTIA  
VITAE insignis; qui (4) stipendijs exter-  
norum Principum contemptis, suis labori-  
bus sibi & familiæ victū comparabat. Cū  
hac ratione aliquandiu perseuerasset, tan-  
dem quorundam fastu offensus secessum  
quærere, & huius mundi illecebras fugere  
cogitauit. Itaq; consensu impetrato, Vxo-  
REM cum decem liberis reliquit, & se in  
SOLITVDINEM conferens, supra locum  
Saxlen exiguam cellam sibi parauit. Ha-  
bebat



bebat illa in longitudinem passus tres, in latitudinem verò passum cum dimidio; altitudo erat, ut ipse ibidem erectus stare posset. Erat is veneranda facie homo, procerae staturae, capillo nigro cum canitie inserta, barba tenui et diuisa, colore castaneo. Vestire utebatur simplici & oblonga; pedibus & capite nudus erat. Is ergo eo in loco

PER\*XXI. ANNOS MAGNA SANCTITATE ABSQUE VILLO CIBO ET POTU VIXIT; aut saltem (b) radicum esu contentus fuit. Eius loci indigenae aliquoties omnes vias infederunt, & DILIGENTER OBSERVAVNT, num ab aliquo cibum reciperet. Idem etiam SYFFRAGANEVS CONSTANTIENSIS conatus; verum NIHIL vnquam harum rerum intellexerunt.

\*X/X.

Nicolaus ille semper ardentioratione DEVM inuocabat, atq; fragilitatem humanae naturae superans, solo ferè aëre victitabat. Inter alia semper dicebat: Domine DEVS, me mihi adime, & tibi totum tribue. Homines ad se venientes benignè & læto vultu alloquebatur, atq; eos ad virtutē & pietatem adhortatus est. Imprimis autem Heluetiorum Proceres admonebat, ut relictis externis bellis, sese manuum labore atq; pecoribus alendis exercerent, & Regum ac Principum (c) stipendia veneno lita contemnerent, ne instar piscium nocenti hamo

mo tandem caperentur. Eam enim militiam Deo & Christianæ charitati esse aduersam. SÆPIVS ETIAM FUTURA PRÆDICEBAT, atq; Iram DEI vitare docebat. Ita autem in Eremitio manebat, vt nihilominus diebus festis parochiam suam Saxlen visitaret, atq; alijs omnib<sup>9</sup> EXEMPLO esset. Officio autem Diuino finito, statim sese ad suum locum recipiebat, atq; ibidem homines alloquebatur. In eius cella nulla alia supellex erat, quàm duo exigua scabella, quibus forsitan noctu pro puluinari utebatur. Is cum constanter hoc modo perseuerasset, tandem (4) anno M. CCCC.LXXXVII. mortuus, atq; in parrochiali templo Saxlen sepultus est. Eius memoria apud Heluetios RECENTISSIMA existit, ita vt parentes subinde pias huius viri admonitiones suis filijs & nepotibus meritò inculcent. Hæc Pantaleon ex Stumphio; qui suum ita concludit testimonium. Pia namque monastica ac solitaria vita segregat quidam hominem à mundo, mundiq; improbis illecebris; verum non ideò excludit eum à dilectione populi DEI, aut sanctæ Christi Ecclesiæ. Quapropter Frater Nicolaus, quoad solitarius fuit, suum semper visitauit templum. Alij vitam huius viri copiosius scripsere, vt Henricus Lupulus homo apprime doctus, & canonicus Bernensis;

sis; nec non alij plures: ego hîc breuitati  
studui.] Eatenus Stumphius.

# IN PRÆCEDENTIA

## Notationes.

**C**Um nullus vnquâ fuerit vel sanctif-  
simorum Patrum, cuius famæ ac  
gloriæ virulenti Hæreticorum morsus pe-  
percerint; mirum videbitur nemini, Pan-  
taleonem quoque ac Stumphium Nicolao  
nostro affinxisse, quæ docere nequeant.  
Ea autem à nobis selecta sic refelluntur.

*a. Qui stipendijs externorû Principû contemptus.)*

Scitè. Constat Nicolaum totos iam se-  
ptem annos in eremo agentem omnis ci-  
bi ac potus caruisse usu, quando prima Hel-  
uetijs donatiua ab exteris missa sunt. Nam  
anno M. CCCC. LXVII. Nicolaus ere-  
mum intrauit, & anno deinde eiusdem sæ-  
culi LXXIV. Ludovicus XI. Galliarum  
Rex, icto cum Heluetijs fœdere, Principum  
omnium primus stipendia illis elargiri cœ-  
pit: testibus Etterlino, Simlero, atq; ipso  
Stumphio in Chronicis. Quomodo ergo  
Niclaus spretis eiusmodi largitionibus si-  
bi suisq; comparauit victum laborando?

*b. Aut saltem radicum esu contentus fuit)*

Hanc appendicem includit Stumphius pa-  
renthesi, hoc modo. *Oncebat in eremo hac  
valde*



valdè abstractam, segregatam & sanctam vitam  
 ad XX. annos sine omni corporali cibo ac potu ( qui-  
 dam volunt, eum comédisse radices ) volunt qui-  
 dam, ait. Sed quinam illi, qui id volunt? Nemo  
 certè vir Catholicus. Quis ergo? Quidam Nouatores  
 volunt, ne quid grauius dicam: sed velle eorum nihil est;  
 quod DEVS voluit, id factum est: Omnia enim qua-  
 cunq; voluit Dominus, fecit in calo & in terra. Vel-  
 lent quidem sectarij vt Frater Nicolaus  
 nullum Sacellum, nullum altare, nullum  
 Sacerdotem habuisset; vellent vt nulli vn-  
 quam interfuisset Missæ sacræ, vt nūquā  
 confessus fuisset, aut sacramentaliter abso-  
 lutus; quin vellent, vt sacrosanctam ille  
 Eucharistiam proiectā humi pedibus con-  
 culcasset, aut certè Vulcano tradidisset; vel-  
 lent quoq; vt non solum radicibus, verum  
 etiam carnibus vel in ipsa Quadragesima  
 victitasset. At DEVS, qui gloriosus est in sanctis  
 suis, longè voluit aliud: DEVS voluit vt  
 Nicolaus hic, omnibus ac singulis Ecclesiæ  
 sanctæ Romanæ Institutis, consuetudini-  
 bus ac præceptis diligentissimè obseruatis,  
 & angelicam in terris ageret vitam, & esca-  
 lola pasceretur angelica: nimirum quæ de-  
 canit Ecclesia.

*Panis angelicus sit panis hominum,*

*Dat panis cælicus figuris terminum;*

*O res mirabilis, manducat Dominum*

*Pauper seruus & humilis.*

*Hæc*

HAEC & multa alia, quæ prudens omitto, voluit DEVS; quin etiam plura voluit in posterum. Volebat enim, quod ego planè mihi persuadeo, ut beatus noster Nicolaus in extremo mundi die Heluetios suos iudiceret, qualiter Sancti Apostoli XII. tribus Israël. Haud enim frustra valido exercitui prælaturus est vexillum in vita æterna: sup. ca. 5. §. 2. teste etiam Lupulo, pag. 13. Qua ergò putas fronte Sacramentariorum caput ibi cõparebit? Sed de his satis. Vnum tantum te moneo cordate lector, ut illi Pantaleonis Stumphijq; cõmento fidem nullam adhibeas, cum in aperto sit, complures etiam Sectarios illis haudquaquam subscribere. Cernis quippe Osuāldum Molitorem nihil prorsus de radicibus inferre, immò nec verbulo aureum illum Glar. versum: *Sacro vivebat Corpore Christi*, taxare ausum. Adhæc Iohannes Heyd ex Dhun Bernensium oppidò, in Caio Plinio abs se aucto, editoq; Francofurti apud Ioh. Saur, anno M. DC. part. 1. cap. 2. inter maxima naturæ miracula Nicolaum hunc connumerat; vbi sine cibo omni potuq; vixisse eum affirmans, citat nominatim Ioh. Stumphium & Seb. Francum, eius rei testes; nec tamen radicem meminit. Deniq; nequaquam *innocentia vita & sanctitate magna* (ut loquitur Pantaleon) sed hypocriti insignis fuit Nicolaus,



laus, si altus radicum esu, noluit nec Suffraganeo Constantiensi, nec suo Confessario, nec cuiquam id hominum reuelare. Quòd si porro totum ille delusit mundum, valde profectò mirum est, adeò inauditam fraudem tandiu tegi & occultari potuisse; cum verissimum sit illud Petrarchæ: *Ut immortalis est veritas, sic fictio & mendacium non durant: simulata illicò patefcunt, & magno studio compa- casaries vento turbatur exiguo, & operose licet impressus fucus leui sudore diluitur, & argutum quoque mendacium vero cedit, coramq; pressius intuenti diaphonum est: opertum omne detegitur, abeunt umbra, natiuuq; rebus color manet, & latere diutius magnus est labor: nemo sub aquis diu viuit, erumpat oportet, & frontem quam celabat, aperiat.* Verum absit, vt de viro sanctissimo quicquam sinistri ob Nouatorum figmenta suspicemur.

c. *Principum stipendia veneno lita.* ) Displacuerunt quidem Nicolao fastus, leuitas & luxus, qui donatiua eiusmodi sequi solent: at propterea reges ipse ac principes non insultauit falsi aut proditiouis. Miraris, Lector, aduersariorum ea in re vehementiam? Cognosce res in Gallijs ac Belgio pro Fide catholica gestas: Videbis, vnde ILLAE LACHRYMAE.

d. *Tandem anno 1487. mortuus.* ) Correxì hic notam annorum, quæ malè ponebatur.

*Epilogus.*




*Epilogus.*

Habes, Lector beneuole, incomparabilis Nicolai nostri Acta præcipua; habes Historiæ ipsius fundamenta ac munimenta. Quæ tamen memorabilia sunt omnia; quinque tamen præ cæteris æterno MARMORI insculpenda: quòd nimirum à puero pusillo ad extremum halitum usq; Catholicæ Romanæ pietatis fuerit obseruantissimus: quòd multis continuis Annis à cibo potuq; corporeis abstinuerit: quòd interea temporis solo Angelorum pane, caliceq; Domini sustentatus: quòd spiritum habuerit Propheticum: quòd denique multis magnisq; etiam post obitum claruerit Miraculis, &c. Agamus gratias Domino DEO nostro, & gloriemur in laude eius, qui talem nobis huius peregrinationis ducem ac patronum dedit; cuius DOCTRINA & EXEMPLO multa hætenus Animarum millia (quod fidenter credimus) in semita veritatis seruata sunt; teste etiam vel tota Heluetia Catholica. Gloriemur de illo in Domino.

*Saluo per omnia S. Apostolica  
Sedis Iudicio.*

G

ENCO.



ENCOMION,  
IN VITAM  
ET OBITVM F. NI-  
COLAI DE SAXO, E-  
REMITAE VNDER-  
ualdensis:

AUCTORE

Clariff. Dn. Sebastiano à Be-  
roldingen, Consule Vri-  
ensi Heluetio.



ONTEMPTOR mundi, natura vi-  
ctor, olympi

Aemule, diuitijs hostis, amice DEO.

NICOLEE, astriferi potior pars una Theatri,  
Cui summus pretium se dat amoris Amor.

Sancte Pater patriæ, veræ Pietatis imago,  
Heluetia custos, gloria, spesq; tua.

En quibus expositi ( facile est meminisse ) periculis  
Vitam agimus, præsens poscimus asser opem,

Nam

*Nam quia tu Christo meritis adiuncte triumphas,*

*Credimus inde tuas robur habere preces.*

*Nondum contigeras: nisi limina mundi,*

*Non erat illustri fasce soluta parens;*

*Iamq; tibi effudit sua dona benignius aether,*

*Astra vides infans luce micare tua:*

*Helvetia sidus, Lux o clarissima salve,*

*Candorem nostris insere pectoribus.*

*Tu, ne corrupto sorderet flore luuenta,*

*Iunxisti ingenuo libera colla iugo.*

*Pignora quin etiam tuleras bis quinq; maritus,*

*Et fasces, & opes, militiamq; colis.*

*At postquam mulsit caelestis gratia mentem,*

*Fasces, arma, aurum deseris & patriam.*

*Et quis te fugiat, quomodo spiritus impulit auctor,*

*Corde sequi, prona est, aspera siue via?*

*Sancta quies melior circum spelæa ferarum,*

*Accepto felix hospite silua viret.*

*Silua domus fuit absq; cibo, saxa aspera lectus;*

*Ferre DEO puras vnica cura preces.*

*Bella moues mundo, secretæ cultor Eremitæ,*

*Ac sublatu humi sidera mente capis.*

*Corporei sensus animi impetuosa voluptas,*

*Si qua nocens mentem passio turbat, abest.*

*Nil nisi diuinum mens cogitat ardua semper,*

*Nil nisi perpetuum clamat amatq; bonum.*



*Hinc sese attollit supra se spiritus ingens,*

*Abstractusq̃ humili corpore liber abit.*

*Quos non hausisti pro Christo sponte labores?*

*Quæ capiti illisa est non grauis vnda tuo?*

*Tela Satan artesq̃ para, omnes exere vires,*

*Qui tua non metuit prælia miles adest.*

*Qualis Erythraeis Antonius errat arenis,*

*Quiq̃ fugis Decij Paule verendæ minas.*

*Quid te Macari, iam nominereq̃ beatum,*

*Milleq̃ commemorem, nomina sancta, Senes?*

*Olim contemptos, nunc supplex orbis adorat,*

*Exoratores poscit habere DEI,*

» *Continuent alij longos Ieiunia menses,*

» *Sint vita casti, peruiulentq̃ Sacris:*

» *Magna licet sint hæc, at sunt communia multis:*

» *Hic citra exemplum vixit & abstinuit.*

» *Vix aliàs audita DEVS miracula præstat,*

» *Mortalem panis non moriturus alit!*

» *Nicolse, antiquas tibi mutant sidera leges,*

*Expers quinq̃ cibi viuus Olympiades.*

*Te Diuis virtute parem, sed gratia maior.*

*Exemptum humanis te volet esse malis.*

*Angelicis æquate choris, qui liberum ab omni*

*Mortali corpus conditione geris.*

*O mensa dignate DEI, conuiuia Senatus*

*Cælitum, humi dapibus vesceris atthereis.*

*Exacta*

*Exacta donec longa sine crimine vita,  
 Multum optata tuis hora venit lachrymis.  
 Siue fuit somnus, placida seu mortis imago,  
 Transitus ad superos commodus ille fuit.  
 Et cineres sequitur decus immortale sepultos.  
 Assiduo grata est parva labore quies.  
 Te patrono igitur quidvis sperare licebit,  
 Indulget facilis, tu modo posce, DEVS.  
 Quisquis egenus opis cœlestia Numina voto  
 Sollicitat, fiet te tribuente potis.  
 Ire gradu firmo laetos pede vidimus ipsi;  
 Mirari cœcum marmora picta senem.  
 Ob vitium matris sacro qui fonte careret,  
 Incolumis viuit te reuocante puer.  
 Quis numero censere queat sanaueris egros,  
 Siue quot immundos Demones expuleris!  
 Re dubia populis Vates oracula pandis,  
 Diuina mentis conscia fata vides.  
 Per te parua frequens patriæ victoria bello,  
 Et per te pestis sæpe repulsa lues.  
 Nicolai rursus longo post tempore nomen  
 Oblitum nauta, te præeunte, vocant.  
 Cœlitis haud ullus nomen præsentius usquam,  
 Cùm febri rigeant viscera, thure colit.  
 Hoc quisquis merito veneratur honore sepulchrum,  
 Sentiet extemplo subuenientis opem.*

*Et dubitamus adhuc Albó te inscribere Diuûm!*

*Nomine cessamus templa dicare tuo!*

*Spiritus aeternam sublatum in aetheris arcem,*

*Assuetis fruitur nectare & ambrosia.*

*Inde fauens nostris pronas accommodat aures,*

*Supplicijs, frustra ne pia vota cadant.*

*Huc ades, ô dubijs protector maxime rebus,*

*Verbaq; pro patrys prospera funde focis.*

*Pelle famem, pestisq; lucem, bellumq; cruentum,*

*Pelle simultates, pelle & auaritiam.*

*Nec fortunam equidem fugimus, quacumq; ferenda.*

*Ista fatemur enim promeruisse mala.*

*At meritis precibusq; tuis lenire furorem*

*Fidimus, ut feriat mitior ira scelus.*

FINIS.


Laus DEO & Omnibus  
SANCTIS.



Errata typographica sic corrige. Sunt au-  
tem nonnulla eorum in quibusdam  
Exemplaribus iam cor-  
recta.

*Pagina 17. linea 20. lege Fenestrellis, ibidem  
lin. ult. hominis, pag. 19. lin. 10. Antistitis, pag.  
25. lin. penult. deuotione, pag. 39. lin. 21. con-  
textas, ibid. lin. 26. liquorem, pag. 44. lin. 9.  
lege post mortem apparitio, pag. 55. lin. 15.  
lege Ecclesiæ Saxlensis Turricula siue capsula  
argentea, &c. pag. 64. lin. 5. pulchritudo, pag.  
70. lin. 21. lege longè voluit aliud: voluit  
DEVS, vt Nicolaus, &c. Reliqua per te facile  
restitues.*

AOI 1671629





Phylogeny  
of  
the  
plant  
kingdom  
and  
the  
animal  
kingdom



L  
B. 51

BIBLIO  
Vitto